

Na osnovu člana 5. stav 1. Pravilnika o uvjetima i načinu rada Granične veterinarske inspekcije Bosne i Hercegovine ("Službeni glasnik BiH", broj 45/09), Ured za veterinarstvo Bosne i Hercegovine donosi

PRIRUČNIK ZA RAD
GRANIČNE VETERINARSKJE INSPEKCIJE U BOSNI I HERCEGOVINI /
PREGLED PROIZVODA ŽIVOTINJSKOG PORIJEKLA

Član 1.
(Uvod)

- (1) Ovim Priručnikom utvrđuje se postupak i način rada graničnih veterinarskih inspektora, struktura i oprema graničnih veterinarskih inspektorskih prelaza, procedure i veterinarske kontrole, izdavanje dokumenata, odluke o pošiljkama, te ostale zadaci i aktivnosti koje provode granični veterinarski inspektori pri pregledu pošiljaka proizvoda životinjskog porijekla u prometu preko granice Bosne i Hercegovine
- (2) Od momenta kada je na međunarodnom nivou potvrđeno da uvoz/tranzit proizvoda životinjskog porijekla, proizvoda koji nisu namijenjeni za ljudsku upotrebu, kao i materijala i opreme, može biti izvor širenja bolesti životinja ili uzrokovati rizike po zdravlje ljudi, propisivanje rigorozne kontrole takvih roba prije ulaska na teritoriju BiH smatra se neophodnom mjerom, kako bi se takvi rizici spriječili.
- (3) Troškovi organizacije mreže kontrola koji podrazumijevaju sve faktore koji učestvuju u "kontroli uvoza" (veterinarske službe, carina, direkcije luke ili aerodroma, špediteri i drugi subjekti) jesu bez ikakve sumnje značajni, kako u kadrovskim, tako i u finansijskim resursima.
- (4) Međutim, ovi troškovi su niži u poređenju sa sredstvima potrebnim za suzbijanje bolesti koje nije lako iskorijeniti ili za povrat povjerenja potrošača nakon infekcija uzrokovanih uvozom roba koje ne zadovoljavaju higijenske kriterije.
- (5) Važno je osigurati da su proizvodi životinjskog porijekla, prehrambeni proizvodi i životinje podobne za ulazak u BiH sigurni za potrošače, te da su pod zootehničkom zaštitom u toku boravka na njenoj teritoriji.
- (6) Na graničnom veterinarskom inspektorskom prelazu (u daljnjem tekstu GVIP) propisno se provjeravaju sve garancije date za pošiljku koja se uvozi (životinje i proizvodi životinjskog porijekla pokriveni propisima BiH i navedeni u relevantnim aneksima), pa ista može biti zaustavljena dok se ne dobije potvrda da je pošiljka podobna za uvoz i da ne predstavlja ozbiljan rizik po životinje i potrošače u BiH.
- (7) Granični veterinarski inspektor (u daljnjem tekstu GVI) odgovoran je za sve kontrole koje se vrše na GVIP-u. Posebno obučeno osoblje može pomagati GVI-u u obavljanju ovih dužnosti.
- (8) Kontrole na GVIP-u vrše se na propisan način.
- (9) Ovaj dokument (u daljnjem tekstu Priručnik) sadrži i sve relevantne procedure u vezi s veterinarskim kontrolama na GVIP-u BiH, koje se vrše na osnovu člana 5., spomenutog u Pravilniku.
- (10) Ovaj Priručnik se mora primjenjivati u skladu s propisima navedenim u spomenutom Pravilniku te u potpunom skladu s propisima koji su na snazi u BiH.

Član 2.
(Odobrenje za rad graničnog veterinarsko-inspekcijskog
prelaza (GVIP) i lista kontakata)

- (1) Ured za veterinarstvo BiH (u daljnjem tekstu Ured) je nadležni organ GVIP-a.
- (2) Ured odobrava rad GVIP-a na osnovu mišljenja državne Veterinarske komisije.
- (3) Ovlašteni GVIP-i su zavedeni u za to namijenjenom registru Ureda.

(4) Ured redovno ažurira listu ovlaštenih GVIP-a.

(5) U tabeli koja slijedi navedena je lista ovlaštenih GVIP-a u BiH, kao i lista proizvoda i/ili životinja za koje su odobrene kontrole.

GVIP	ANIMO šifra	Tip GVIP-a	ODOBRENJE
Aerodrom Sarajevo		Aerodrom	HC, NHC, E, O, U
Rača		cestovni	HC, NHC, E, O, U
Orašje		cestovni	HC, NHC, E, O, U
Gradiška		cestovni	HC, NHC, E, O, U
Gorica		cestovni	HC, NHC, E, O, U
Izačić		cestovni	HC, NHC, E, O, U
Kamensko		cestovni	HC, NHC, CH, FR, NT
Doljani		cestovni	HC, NHC, CH, FR, NT
Klobuk		cestovni	HC, NHC, E, O, U
Karakaj		cestovni	HC, NHC, CH, FR, NT

HC: Svi proizvodi namijenjeni za ljudsku upotrebu

NHC: Svi proizvodi koji nisu namijenjeni za ljudsku upotrebu

U: Kopitari, goveda, ovce, svinje, koze i divlji papkari

E: Registrirani kopitari

O: Druge životinje

CH: Pothlađeni proizvodi

FR: Zamrznuti proizvodi

NT: Proizvodi koji traže uvjete sobne temperature

(1-10) Moguće fus-note

Ulazak živih životinja ili proizvoda životinjskog porijekla u GVIP koji nema odobrenje za taj tip robe nije dozvoljen.

Ukoliko se to, ipak, desi, GVI ne može odobriti bilo kakvu veterinarsku kontrolu i shodno tome odbija pošiljku.

Član 3.
(Lista kontakata)

GVIP	Adresa	Telefon/faks
Aerodrom Sarajevo	GP Aerodrom Sarajevo	00387 33 766 245
Rača	GP Rača	055 335-100
Orašje	GP Orašje	031 713-825
Gradiška	GP Gradiška	051 809-730
Gorica	GP Gorica	039 671-104
Izačić	GP Izačić	037 393-219
Kamensko	GP Kamensko	034 364-286
Doljani	GP Doljani	036 815-106
Klobuk	GP Klobuk	065-526-029
Karakaj	GP Karakaj	056 263-290

Član 4.
(Proizvodi koji podliježu veterinarskoj kontroli)

(1) Lista proizvoda koji podliježu kontroli na GVIP-u podrazumijeva one navedene u objedinjenom spisku roba koje podliježu kontroli nadležnih inspekcijskih organa (UIO broj 03/2-18-864-17/05 od 23.05.2005. godine).

(2) U svrhu uvoza, proizvodi životinjskog porijekla spadaju u dvije osnovne kategorije:

- proizvode za koje je procedura uvoza harmonizirana i
- proizvode za koje procedura uvoza nije harmonizirana.

a) **Proizvodi za koje je procedura uvoza harmonizirana:** proizvodi životinjskog porijekla koji se uvoze u skladu s važećim propisima BiH.

Ovi proizvodi moraju:

- 1) biti iz treće zemlje koja je na listi zemalja za koje je BiH i/ili EU odobrila uvoz tog proizvoda;
- 2) biti iz odobrenog/registriranog objekta koji je uključen u listu odobrenu od BiH i/ili EU;
- 3) uz njih mora biti priložen zdravstveni certifikat/dokument (i)/komercijalni dokument.

b) **Proizvodi za koje procedura uvoza nije usklađena:** proizvodi životinjskog porijekla za čiji uvoz važeći propisi nisu u potpunosti određeni - definirani na nivou BiH. Primjer su određene kategorije proizvoda od krvi.

Ured izrađuje listu biljnih proizvoda koji, posebno u smislu njihovog budućeg odredišta, mogu predstavljati rizik širenja infektivnih ili zaraznih bolesti životinja, te zbog toga podliježu veterinarskim kontrolama, kako bi se verificiralo porijeklo i planirano odredište tih biljnih proizvoda. Sljedeći propisi se usvajaju u skladu s istom procedurom:

- a) lista trećih zemalja koje, u smislu garancija, mogu biti ovlaštene da izvoze spomenute biljne proizvode u BiH;
- b) svaka specifična inspekcijska procedura (u saradnji s relevantnim odgovornim službama), a posebno u vezi s uzorkovanjem, koja se može primijeniti na ove proizvode, naročito prilikom uvoza u rinfuzi;
- c) uvjeti o zdravstvenom stanju životinja, koje treće zemlje moraju ispoštovati, i garancije koje se moraju pružiti, naročito način obrade koji se traži u smislu zdravstvenog stanja njihovih životinja.

Obaveza je ispuniti opće uvjete u vezi sa životinjskim zdravljem:

1) Nadležni organi će preduzeti mjere u skladu sa sljedećim navedenim odredbama, kako bi osigurali da u svim nivoima proizvodnje, obrade, skladištenja i dorade te distribucije proizvoda životinjskog porijekla unutar BiH, subjekti u poslovanju s hranom ne smiju uzrokovati rizike po zdravlje ljudi i životinja, te na taj način garantirati zdravstvenu sigurnost i sigurnost proizvoda za zdravlje ljudi i životinja.

2) Proizvodi životinjskog porijekla dobit će se od životinja:

koje ne dolaze s posjeda, objekta, teritorije ili dijela teritorije koje podliježe restrikcijama u smislu životinjskog zdravlja, koje su primjenljive na date životinje i proizvode, osim ako se mogu primijeniti specifične odredbe u skladu s propisima BiH; koje, u slučaju mesa i mesnih proizvoda, nisu zaklane u objektu u kojem su životinje zaražene ili se sumnja da su zaražene zaraznim bolestima, ili su trupovi ili dijelovi tih životinja obrađena u tim objektima samo ako je sumnja otklonjena; koji su, u slučaju vodenih životinja i proizvoda, dobiveni u skladu s važećim propisima u BiH.

3) I pored spomenutih odredaba i u skladu s mjerama kontrole bolesti spomenutih u propisima BiH, Ured može odobriti proizvodnju, obradu i distribuciju proizvoda životinjskog porijekla koji dolaze s teritorije ili dijela teritorije koje su predmet restrikcija u smislu životinjskog zdravlja, ali koji ne dolaze s posjeda koji je zaražen ili za koji se sumnja da je zaražen, ukoliko su:

a) prije podvrgavanja sljedećim navedenim tretmanima, proizvodi dobiveni, obrađivani i transportirani odvojeno ili u različito vrijeme od proizvoda koji ispunjavaju sve uvjete u vezi sa životinjskim zdravljem i uvjete u vezi s transportom van teritorije koja podliježe restrikcijama u smislu životinjskog zdravlja odobreni od Ureda;

b) proizvodi koji podliježu tretmanu jasno definirani;

c) tretman proizvoda omogućava eliminaciju zdravstvenog problema životinja;

d) tretman je sproveden u objektu odobrenom u te svrhe od zemlje u kojoj je se javio zdravstveni problem životinja.

4) Odredbe prve tačke primjenjivat će se u skladu s detaljnim propisima koje usvaja Ured. Proizvodnja, obrada i distribucija proizvoda od vodenih životinja, koja nije u skladu sa spomenutim uvjetima, odobrit će se u skladu s uvjetima propisanim od Ureda.

5) Gdje zdravstvena situacija dozvoljava, moguće je odobriti odstupanja u određenim situacijama u skladu s odlukom Ureda.

6) U takvim slučajevima, posebno se u obzir uzimaju specifične karakteristike bolesti datih vrsta, kao i svaki test i mjera kojoj se životinje moraju podvrgnuti.

7) Kada se takva odstupanja odobre, potrebno je preduzeti korake, da bi se osigurao nivo zaštite od životinjskih bolesti koji ni u kom slučaju ne smije biti narušen. Svaka mjera potrebna da bi se osigurala zaštita životinjskog zdravlja u BiH bit će usvojena u skladu s istom procedurom.

Član 5.

(Specifične odredbe za određene proizvode životinjskog porijekla)

(1) Primjenjuju se sljedeće definicije:

a) kompozitni proizvod: prehrambena namirnica namijenjena za ljudsku upotrebu koja sadrži obrađene proizvode životinjskog porijekla i proizvode biljnog porijekla te podrazumijeva one kod kojih proizvodnja primarnog proizvoda čini integralni dio proizvodnje finalnog proizvoda;

b) mesni proizvodi: obrađeni proizvodi koji nastaju obradom mesa i dalje obrade tih obrađenih proizvoda, tako da se rezanjem površine može ustanoviti da taj proizvod više nema karakteristike svježeg mesa;

c) mliječni proizvodi: obrađeni proizvodi koji nastaju obradom sirovog mlijeka ili daljom obradom tih obrađenih proizvoda;

d) proizvodi od jaja: obrađeni proizvodi koji nastaju obradom jaja ili različitih komponenti ili mješavina jaja ili daljom obradom tih obrađenih proizvoda;

e) obrađeni riblji proizvodi te proizvodi od morskih plodova: obrađeni proizvodi koji nastaju obradom ribljih proizvoda ili daljom obradom tih obrađenih proizvoda;

- f) životinjska mast: masta dobivena obradom mesa, uključujući i kosti, namijenjena za ljudsku upotrebu;
- g) čvarci: proteinski rezidui koji nastaju parcijalnim odvajanjem masti i vode;
- h) želatin: prirodni, topivi protein, geliran ili negeliran, dobiven parcijalnom hidrolizom kolagena nastalog od kostiju, strune i kože, tetiva i mišića životinja;
- i) kolagen: označava proizvod na proteinskoj bazi dobiven od životinjskih kostiju, strune, kože i tetiva;
- j) obrađeni želuci, mjehuri i crijeva: želuci, mjehuri i crijeva koji su podvrgnuti tretmanu kao što je soljenje, grijanje ili isušivanje nakon što su izdvojeni i očišćeni.

(2) Kontrole kompozitnih proizvoda

1) Kompozitni proizvodi koji podliježu veterinarskim kontrolama:

- kompozitni proizvodi koji sadrže obrađene mesne proizvode;
- kompozitni proizvodi kojima se pola ili više njihove supstance sastoji od obrađenog proizvoda životinjskog porijekla, osim obrađenog proizvoda od mesa;
- kompozitni proizvodi koji ne sadrže obrađene mesne proizvode i kojima se manje od polovine njihove supstance sastoji od obrađenog mliječnog proizvoda.

(3) Kompozitni proizvodi ili prehrambeni proizvodi namijenjeni za ljudsku upotrebu, koji ne sadrže mesne proizvode, neće se podvrgavati veterinarskim kontrolama:

- Kompozitni proizvodi kojima se manje od pola od njihove supstance sastoji od drugih obrađenih proizvoda, ukoliko su takvi proizvodi:
- Uskladišteni na sobnoj temperaturi ili su, prilikom proizvodnje, podvrgnuti cjelovitim procesima kuhanja ili zagrijavanja cijele supstance, tako da je svaki sirovi sastojak denaturiran;
- Jasno određeni za ljudsku upotrebu;
- Zapakirani ili zapečaćeni u čistim kontejnerima;
- Priložen komercijalni dokument i da su etiketirani na službenom jeziku države članice, tako da dokument i markica zajedno pružaju podatke o prirodi, količini, broju paketa kompozitnih proizvoda, zemlji porijekla, proizvođaču i sastojcima;
- Primjeri kompozitnih proizvoda ili životnih namirnica navedeni su u sljedećoj tabeli:

Biskvit
Žito
Kolači
Čokolada
Slastice (uključujući slatkiše)
Kapsule želatina koje nisu punjene
Dodaci hrani zapakirani za krajnjeg potrošača, koji sadrže manje količine životinjskih proizvoda, uključujući glukozamin, kondoritin i citosan,
Ekstrakti i koncentрати mesa
Masline punjene ribom
Tjestenina i nudle koje nisu punjene ili mješane s mesom
Kocke za supu i začini zapakirani za krajnjeg potrošača koji sadrže ekstrakte i koncentrate mesa, životinjske masti ili riblja ulja i ekstrakte

Član 6. **(Struktura i objekti GVIP-a)**

(1) Da bi GVIP-u bilo odobreno da vrši kontrole proizvoda životinjskog porijekla, isti mora imati minimum sljedeće objekte:

- a) ured s komunikacijskom opremom, uključujući telefon, faks, IS, fotokopir, svu potrebnu dokumentaciju, prostor za arhivu dokumentacije u vezi s inspekcijom proizvoda;
- b) zajedničke prostorije (svlačionica, toaleti i umivaonici), koje su na raspolaganju osoblju GVIP-a, a koje se mogu dijeliti s ostalim osobljem uključenim u službene kontrole;
- c) adekvatan prostor za istovar pošiljaka s prevoznog sredstva, koji treba da bude zatvoren ili natkriven, izuzev za pošiljke vune koja nije ambalažirana u kontejnere, rastresitog prerađenog životinjskog proteina u rinfuzi koji nije namijenjen za ljudsku upotrebu, rastresitog gnojiva ili ptičijeg izmeta, tečnih ulja ili masti u rinfuzi, koji se prevoze brodovima na koje se ne može primijeniti zahtjev za krov;
- d) za proizvode na temperaturnom režimu za ljudsku upotrebu, prostor između prostora za transport i prostor za istovar treba da budu hermetički zatvoreni i zaštićeni od vanjskih utjecaja;
- e) prostoriju za inspekciju u kojoj se kontroliraju proizvodi i uzimaju uzorci za dalja ispitivanja, prostor za uzimanje uzoraka ne mora biti odvojen od prostorije za inspekciju;
- f) odgovarajuće prostorije ili prostore za skladištenje koji omogućuju da se zadržane pošiljke drže na temperaturi pogodnoj za pothlađivanje, temperaturi smrzavanja ili sobnoj temperaturi u isto vrijeme, te da su pod kontrolom GVI-a do rezultata laboratorijskih ili drugih ispitivanja;
- g) GVIP-i kojima je odobreno da obrađuju pothlađene, smrznute proizvode ili proizvode na sobnoj temperaturi moraju imati kapacitete za istovremeno skladištenje odgovarajuće količine proizvoda svake temperaturne kategorije. Uvijek kada je potrebno, GVI ima direktan pristup adekvatnom skladištnom prostoru;
- e) prostorije za brza laboratorijska ispitivanja.

(2) **Objekti za komercijalno skladištenje mogu se koristiti ako su:**

- a) u blizini GVIP-a ili u sklopu iste luke ili carinske zone koja je pod kontrolom GVI-a i ukoliko je zadržani proizvod uskladišten u odvojenoj prostoriji koja se može zaključati, u komori ili zoni koja je ograđena i odvojena od svih drugih proizvoda;
- b) dodatno skladištenje svake kategorije proizvoda u prevoznom sredstvu kojim je pošiljka dovezena na prelaz može se izuzetno dozvoliti samo pod kontrolom GVI-a i ukoliko se nalazi na lokacijama smještenim na cesti, željeznici ili luci;
- c) proizvodi za ljudsku upotrebu i proizvodi koji nisu namijenjeni za ljudsku upotrebu istovaraju se u odvojenim prostorima za istovar, prostorijama za inspekciju i skladištima. Od ovog pravila izuzimaju se GVIP-i kojima je službeno odobreno da obrađuju isključivo upakirane proizvode, a prostori za istovar mogu biti zajednički, s tim da su u toku i nakon istovara proizvodi za ljudsku upotrebu i proizvodi koji nisu za ljudsku upotrebu vidno odvojeni radi sprečavanja međusobne kontaminacije.

(3) U smislu odstupanja, GVIP, na osnovu procjene rizika od Ureda za veterinarstvo BiH, s ograničenim protokom pošiljaka svake pojedine kategorije proizvoda namijenjenih za ljudsku upotrebu i proizvoda koji nisu namijenjeni za ljudsku upotrebu, može koristiti iste objekte za istovar, inspekciju i skladištenje za sve proizvode za koje je prelaz odobren, s tim da pošiljke treba da dolaze u različitim periodima, da bi, prema potrebi, prostorije mogle biti adekvatno očišćene i dezinficirane između istovara i kontrola.

(4) Ured odobrava takvo odstupanje i vrši procjenu rizika.

(5) **Odvojeni inspekcijski centri** koji obrađuju različite proizvode mogu biti odobreni ako:

- a) su smješteni u istom području određenom za carinu ili području GVIP-a pod kojim se centri vode;
- b) locirani u radnom dometu određenog centralnog GVIP-a i dokazivo pod kontrolom službenog veterinara;
- c) GVI vode posebnu evidenciju o pošiljkama pregledanim u centru.

(6) Inspekcijski centri ne moraju imati:

- a) prostorije za arhiviranje, terminal IS sistema ili fotokopir;
 - b) samo relevantne i neophodne dokumente za veterinarske kontrole koje se sprovode u centru.
- (7) U smislu odstupanja, duboko zamrznuto sjeme i embriji, nus-proizvodi ili proizvodi od krvi životinjskog porijekla transportirani za upotrebu u tehničke svrhe, uključujući lijekove, a ukoliko se takve pošiljke transportiraju na sobnoj temperaturi u zapečaćenim paketima ili kontejnerima koji nezavisno održavaju temperaturu, mogu se kontrolirati na GVIP-u uz upotrebu opreme navedene i odobrene isključivo za obradu proizvoda na sobnoj temperaturi.

Član 7. (Izgradnja)

- (1) GVIP mora biti izgrađen tako da osigura adekvatan nivo higijene i da se izbjegne međusobna kontaminacija.
- (2) U prostorijama gdje se proizvodi istovaraju, kontroliraju ili skladište, GVIP ili centar za inspekciju mora imati sljedeće:
- a) zidove glatkih površina, koje je kao i podove s adekvatnim odvodom lako čistiti i dezinficirati;
 - b) strop koji se lako čisti;
 - c) adekvatno prirodno i vještačko osvjetljenje;
 - d) adekvatno snabdijevanje toplom i hladnom vodom u svim prostorijama za inspekciju.

Član 8. (Tehnička oprema)

- (1) GVIP i inspeksijski centri moraju uvijek imati na raspolaganju najmanje sljedeće:
- a) opremu (ili pristup istoj) za vaganje pošiljaka koje podliježu kontroli;
 - b) opremu za otvaranje i ispitivanje pošiljaka datih na kontrolu;
 - c) opremu za čišćenje i dezinfekciju adekvatnu za potrebe mjesta i uskladištenu na adekvatan način ili efikasan i dokumentiran sistem čišćenja i dezinfekcije, koji provodi vanjski saradnik;
 - d) opremu za održavanje odgovarajuće temperature u prostorijama s kontroliranim ambijentom;
 - e) radni sto s glatkom radnom pločom lakom za čišćenje i dezinfekciju;
 - f) opremu za uzorkovanje (pilu, nož, otvarač za konzerve, instrumente za uzorkovanje pošiljaka i posude za čuvanje uzoraka);
 - h) traku za pečačenje i numeričke pečate i etikete, jasno označene kako bi se osigurala sljedivost;
 - i) termometar za mjerenje površinske i unutrašnje temperature, vage, i pH metar za svježe proizvode;
 - j) opremu za otapanje ili mikrovalnu pećnicu;
 - k) objekte za privremeno čuvanje uzoraka pod temperaturnim režimom do laboratorijske obrade. Raspložive odgovarajuće kontejnere za prevoz takvih uzoraka.
- (2) GVIP i inspeksijski centri s ograničenom listom proizvoda moraju imati navedenu opremu pogodnu za proizvode koji se obrađuju na prelazu.

Član 9. (Procedure uvoza)

- (1) U skladu s članom 3. Pravilnika, sve pošiljke koje se iz drugih zemalja uvoze u BiH trebaju:
- a) proći isključivo kroz ovlašteni GVIP;
 - b) biti podvrgnute veterinarskim kontrolama;
 - c) imati priložene originalne dokumente izdate od nadležnog organa zemlje porijekla i ostale originalne dokumente u skladu s propisima BiH.
- (2) GVI i carinske službe osiguravaju primjenu ovih propisa.

Član 10. **(Dozvola za uvoz)**

(1) Prije uvoza proizvoda životinjskog porijekla, uvoznik mora podnijeti zahtjev za izdavanje dozvole za uvoz (u daljnjem tekstu dozvola, a u skladu s "Pravilnikom o uvjetima uvoza i provoza živih životinja, proizvoda životinjskog porijekla, veterinarskih lijekova, stočne hrane i otpadaka životinjskog porijekla u Bosnu i Hercegovinu" ("Službeni glasnik BiH", broj 45/09).

a) uvoznici su dužni podnijeti zahtjev za izdavanje dozvole za svaku zemlju i svaki tip proizvoda životinjskog porijekla (u daljnjem tekstu: "proizvod") koji se uvozi ili prelazi preko teritorije BiH. U dozvoli se mora navesti količina proizvoda (jedinica mjere) koja je dozvoljena za uvoz ili prelazak u toku naznačenog perioda važenja dozvole;

b) dozvola ističe kada je količina navedena u izjavi uvezena ili je prošla kroz teritoriju BiH. U svakom slučaju, dozvola ističe nakon 120 dana od datuma izdavanja, neovisno o količini proizvoda koja je uvezena ili koja je prošla kroz teritoriju BiH;

c) dozvola se izdaje u dva originalna primjerka. Jedan primjerak zadržava Ured, a drugi uvoznik. Elektronska verzija dozvole se bez odgađanja šalje svim GVIP-ima i carinarnicama;

d) ukoliko se čeka na realizaciju veze između GVIP-a i carinarnica, GVIP je dužan carinarnicama osigurati kopiju.

(2) Kopija dozvole se čuva na GVIP-u tri godine.

(3) Po detaljnoj kontroli dozvole u razmatranje se uzima sljedeće:

a) neizvršavanje odredaba zakona koji uređuju uvoz proizvoda iz drugih zemalja;

b) ozbiljno kršenje odredaba državnih ili međunarodnih zakona o zaštiti zdravlja ljudi i životinja ili dobrobiti životinja;

c) neispunjavanje administrativnih uvjeta za posjedovanje dozvole;

d) preduzimanje sanitarnih mjera kako bi se spriječilo moguće širenje bolesti ili rizika koji ugrožavaju zdravlje;

e) ostali mogući navodi koje izdaje Ured, koji može suspendirati ili oduzeti dozvole.

Član 11. **(Identifikacija i odabir pošiljke)**

(1) Za organizaciju službenih kontrola spomenutih u ovom Priručniku, GVI i carinske službe će usko saradivati.

(2) Nadležni organ će nastojati osigurati usku saradnju između različitih službi koje učestvuju u inspekciji proizvoda iz trećih zemalja.

(3) GVIP i carina osiguravaju da:

a) nijedna pošiljka iz druge zemlje ne uđe na teritoriju BiH, a da prethodno nije podvrgnuta veterinarskim kontrolama navedenim u Pravilniku;

b) sve pošiljke koje podlježu veterinarskoj kontroli, kako je navedeno u Pravilniku za rad GVI BiH, ulaze na teritoriju BiH samo preko GVIP-a.

(4) GVI osigurava da su osobe odgovorne za pošiljku obavezne prije materijalne kontrole proslijediti podatke o pošiljci u pisanoj ili elektronskoj formi veterinarskom osoblju GVIP-a, tako što će popuniti prvi dio ZVUD-a ili dostaviti detaljan opis pošiljke, uključujući i pošiljke u tranzitnoj proceduri ili pretovaru koje treba da budu podvrgnute veterinarskoj kontroli.

(5) Da bi osigurali da svi proizvodi koje ulaze u BiH budu podvrgnuti veterinarskim kontrolama, carinarnica ili druge službe i GVI svakog GVIP-a saraduju s drugim službama, kako bi prikupili sve raspoložive podatke u vezi s uvozom proizvoda životinjskog porijekla.

(6) Ovo se posebno primjenjuje na sljedeće:

a) podatke dostupne carinskim službama;

b) podatke o brodskim, željezničkim ili avionskim sadržajima;

c) druge izvore podataka dostupne cestovnim, željezničkim ili aerodromskim komercijalnim službama na granici.

Član 12. **(Pristup bazama podataka)**

(1) Radi primjene Pravilnika, Ured je dužan osigurati da GVIP primi sve potrebne informacije u vezi s vršenjem kontrola, člana 4. stav (4) tačka d) Pravilnika, kao i pristup bazi podataka i njenim relevantnim dijelovima dostupnim carinarnicama.

(2) U skladu s članom 8. stav (1) Pravilnika, Ured će sarađivati, razviti i primijeniti informaciono-tehnološku mrežu navedenu u članu 4. stav (4) tačke d) i e) Pravilnika, kako bi poboljšali sistem veterinarskih i carinskih kontrola.

(3) Da bi se uspostavila sigurnost podataka i ubrzala razmjena informacija, informaciono-tehnološki sistemi koji se koriste bit će integrirani što je više moguće i onda kada je potrebno s onima koje koriste carinske službe i komercijalne službe na granici.

(4) U skladu s ciljevima veterinarskih kontrola, GVI imaju mogućnost pristupa i vršenja inspekcije sadržaja tereta broda i aviona ili drugog dokumenta koji sadrži informacije o mogućem uvozu proizvoda životinjskog porijekla željezničkim, cestovnim ili vodenim putem.

(5) GVI kontrolira usklađenost tih podataka sa spomenutim izjavama i dokumentima.

(6) Carinski organi, za koje je GVIP geografski vezan, odobravaju carinsku obradu ili upotrebu pošiljaka samo u skladu s uvjetima navedenim u ZVUD-u.

GVI:

a) prima informacije od carinskih, aerodromskih/lučkih/željezničkih organa, te špeditera ili državnih i privatnih uvoznih kompanija o pristizanju pošiljaka na granice BiH;

b) prima informacije o pristizanju ili kretanju broda, aviona ili drugog sredstva transporta neovisno o robi koja se prevozi, čak i ako se radi o praznim sredstvima prevoza;

c) dnevno verificira podatke o sadržaju tereta i druge dokumente u vezi s uvozom, tranzitom ili pretovarom proizvoda životinjskog porijekla u BiH;

d) osigurava najavu svake pošiljke ili zahtjev za odgovarajuću proceduru koju sprovodi GVIP (kontrola);

e) osigurava da se pošiljke ne uskladište ili ostave na mjestu koje je pod nadležnošću GVIP-a bez prethodnog obavještenja;

f) ima pristup, što podrazumijeva i otvaranje carinskih dokumenata (pod nadzorom carinskih organa), podacima u slučajevima konsolidiranog transporta;

g) po kontroli liste kopija sadržaja tereta ili dokumenata o transportu, GVI može dokazati (po zahtjevu) da je zadatak izvršen. Pri ovakvim kontrolama, GVI mora potpisati ili parafirati dokument i naznačiti datum kontrole;

h) verificirana ili primljena lista kopija sadržaja tereta ili dokumenata o transportu (u slučajevima željezničkih, cestovnih ili vodenih transportâ) čuva se u GVIP-u šest mjeseci;

i) da na osnovu slučajnog uzorka, utvrdi da dijelovi pošiljke sadrže proizvode koji se ne mogu svrstati u kategoriju uzoraka roba koje služe za komercijalne svrhe, ali se mogu smatrati prometom proizvoda koje kao mogući izvor zaraze predstavljaju rizik za javno zdravlje ljudi i životinja.

Član 13. **(Informacioni sistem GVIP-a)**

(1) Od velikog značaja je imati dobre izvore informacija u vezi s pošiljkama koje ulaze na teritoriju BiH, te tako reducirati prevare i izbjegavanje kontrola. Provjera sadržaja je ključna stavka procesa prikupljanja informacija, ali je ujedno i veoma značajan poduhvat koji oduzima mnogo vremena i kojeg je potrebno automatizirati elektronskim sredstvima gdje je to moguće.

(2) Osim efikasnog prikupljanja raspoloživih podataka od svih odgovarajućih službi na granici (špediteri), potrebno je odobriti GVIP-u pristup relevantnim bazama podataka carinskih službi. Svi špediteri treba da budu uključeni u ovaj sistem baza podataka, kako bi se osiguralo da ažurirane informacije budu dostupne svima koji učestvuju u procesu.

- (3) Ured osigurava da GVIP primi sve potrebne podatke o pošiljkama koje se uvoze u BiH. Pritom se podrazumijeva i veza s IS-om drugih organa koji su uključeni u procedure uvoza (carinskih, lučkih/aerodromskih/željezničkih).
- (4) Kako bi se garantirala sigurnost podataka i ubrzala razmjena informacija, informacijski sistemi bit će integrirani što je više moguće i onda kada je potrebno s onima koje koriste carinske službe i komercijalni operateri.
- (5) Ukoliko se takva veza uspostavi, primjenjivat će se operacije opisane u poglavlju Identifikacija i odabir pošiljaka.
- (6) U navedenom slučaju, GVI su dužni evidentirati kontrole identifikacije tereta (cargu sadržaja) ili drugih dokumenata u vezi s uvozom dobara u BiH. Evidencija kontrola mora biti dostupna za internu upotrebu (interna revizija) ili moguću vanjsku upotrebu (vanjska revizija).
- (7) Evidencija kontrola može se vršiti tako da se čuva kopija prikupljenih podataka koji se jednom dnevno kontroliraju u IS-u (identifikacije tereta ili drugi dokumenti u vezi s mogućim uvozom dobara), a potpisuje je odgovorni službenik GVIP-a.

Član 14. **(Najava pošiljke)**

- (1) Najmanje 24 sata prije dolaska na teritoriju BiH, osoba odgovorna za pošiljku (lično ili posredstvom ovlaštene osobe) o tome obavještava GVI-a GVIP-a na kojem proizvodi treba da budu kontrolirani, koristeći pritom Zajednički veterinarski dokument za ulaz (ZVUD).
- (2) ZVUD se izdaje u skladu s općim propisima skraćenog upravnog postupka za certifikaciju navedenu u drugim relevantnim propisima koji su na snazi u BiH i zamjenjuje zapisnik o izvršenom pregledu.
- (3) ZVUD se izdaje u onoliko primjeraka i kopija koliko odredi Ured, da bi ispunio zahtjeve navedene u ovom Priručniku.
- (4) Osoba odgovorna za pošiljku popunjava prvi dio ZVUD-a i predaje ga veterinarskom osoblju GVIP-a.
- (5) Informacije navedene u ZVUD-u mogu se, u dogovoru sa veterinarskom službom ili drugim relevantnim organima, prethodno dostaviti putem telekomunikacionih sredstava ili drugih vidova prenošenja elektronskih podataka.
- (6) Ukoliko je tako i urađeno, podaci podneseni u elektronskoj formi su oni koji se trebaju navesti u prvom dijelu ZVUD-a.
- (7) Službeni veterinar provjerava usklađenost između dozvole za uvoz, veterinarskog certifikata s podacima navedenim u obavijesti o pošiljci.
- (8) Potrebno je obratiti posebnu pažnju na rok važenja dozvole za uvoz i veterinarskog certifikata, kao i količinu robe koja je već uvezena.
- (9) Na pozadini dozvole za uvoz, koja se čuva na GVIP-u, potrebno je zaveći preostalu količinu proizvoda koja se može uvesti u BiH u skladu s relevantnom dozvolom.
- (10) Izrada, upotreba, prenos i arhiviranje ZVUD-a opisanog u ovom Priručniku, može biti u elektronskoj formi i podrazumijeva diskreciju Ureda.

Član 15. **(Veterinarske kontrole)**

- (1) Uz svaku pošiljku namijenjenu za uvoz u BiH prilaže se originalni veterinarski certifikat/dokument, originalni veterinarski dokumenti ili drugi originalni dokumenti u skladu s važećim veterinarskim propisima. Originalni primjerci certifikata/dokumenta ili dokumenata čuvaju se na GVIP-u. Kopija certifikata/dokumenta ovjerena od GVI-a s pečatom " KOPIJA JE JEDNAKA ORIGINALU " šalje se s pošiljkom.

(2) Bez obzira na članove (npr., provoz, pretovar, ponovni ulazak, reduciranu frekvenciju fizičkih kontrola itd.), svaka pošiljka proizvoda iz druge zemlje namijenjena za uvoz podliježe kontroli dokumentacije, fizičkoj kontroli i kontroli identiteta.

Član 16. **(Kontrola dokumentacije)**

(1) Kontrola dokumentacije označava provjeru komercijalnih i veterinarskih dokumenata i, gdje je neophodno, svakog drugog dokumenta za kojeg se, u skladu s Pravilnikom, zahtijeva da se prilaže uz pošiljku.

(2) Kontrola dokumentacije podrazumijeva provjeru usklađenosti veterinarskih certifikata/dokumenta ili dokumenata koji su priloženi uz pošiljku s unaprijed dostavljenom informacijom od uvoznika, te provjeru pružanja garancija koje se traže na osnovu propisa BiH. Osoba odgovorna za pošiljku je dužna potrebne certifikate/dokumente, dokumente ili dozvole, gdje je to primjenjivo, dostaviti GVIP-u za vrijeme vršenja kontrole pošiljke ili ranije.

(3) Službeni veterinar provjerava usklađenost dozvole za uvoz i dokumenata priloženih uz pošiljku. Potrebno je obratiti posebnu pažnju na porijeklo i tip robe i druge informacije koji mogu osigurati usklađenost s dozvolom.

(4) Na osnovu primljene informacije, službeni veterinar konsultira bazu podataka za provjeru veterinarskih procedura uvoza.

(5) Službeni veterinar osigurava izvršavanje svih potrebnih procedura za održavanje baze podataka.

(6) Svaka pošiljka (100% pošiljaka koje su prijavljene za ulazak u BiH) podliježe kontroli dokumentacije, bez obzira na odobrenu carinsku obradu ili upotrebu, da bi se ustanovilo:

- da se informacija u certifikatima/dokumentima ili dokumentima, navedena u Pravilniku, podudara s prethodno dostavljenom informacijom proslijeđenom u skladu sa članom 3. stav (3);
- u slučaju uvoza, da pojedinosti sadržane u certifikatima/dokumentima ili dokumentima, navedene u Pravilniku, ili drugi dokumenti pružaju potrebne garancije.

(7) Certifikati/dokumenti koji su priloženi uz proizvode iz trećih zemalja i EU ili dokumenti o zdravlju životinja ili ljudi koji prate pošiljku proizvoda porijeklom iz treće zemlje, a koji se prikazuju na GVIP-u, moraju biti prekontrolirani i ispuniti sljedeće opće uvjete, da bi se utvrdilo:

a) za svaku pošiljku GVI i/ili carinska služba mora utvrditi obradu odobrenu na carini ili upotrebu roba;

b) da je priložen original certifikata/dokumenta ili dokumenta koji ima jedinstven registarski broj; ukoliko se certifikat/dokument sastoji od više stranica, svaka stranica treba biti označena brojem;

c) mora se sastojati od jednog lista papira, koji je potrebno u cijelosti popuniti ili od dvije ili više stranica koje su dio jedinstvenog i nedjeljivog lista papira ili više stranica numeriranih tako da data stranica čini dio konačnog niza (npr: strana 2 od 4):

d) da se odnosi na treću zemlju ili i EU dio treće zemlje ili EU kojem je dozvoljen izvoz na teritoriju BiH;

e) da ima samo jednog primaoca;

f) mora biti izrađen ili popunjen na jezicima koji su u službenoj upotrebi u BiH, zemlji porijekla i na engleskom ili nekim drugim odgovarajućim jezicima: (GVI mora razumjeti šta se certificira) ili preveden na taj ili te jezike.

g) certifikat/dokument mora biti otkucan ili čitko napisan; sva brisanja moraju biti precrtana (upotreba korektora nije dozvoljena), ovjerena ili potpisana od iste osobe koja potpisuje certifikat/dokument;

h) da se prikaz i sadržaj odgovaraju primjerku izrađenim za proizvod i datu treću zemlju;

i) da se odnosi na objekat ili brod odobren ili registriran za izvoz na teritoriju BiH;

j) da je potpisan od službenog veterinarara ili, gdje je adekvatno, predstavnika službenog organa i da je velikim štampanim slovima prikazano njegovo/njeno ime i pozicija i da su službeni pečat treće zemlje i službeni potpis u boji drugačijoj od štampe certifikata/dokumenta, a ukoliko se radi o elektronskoj formi, potpis i pečat moraju biti izrađeni upotrebom sigurnosnog sistema;

- k) da je dio 1 ZVUD-a propisno popunjen, te da informacije navedene u ZVUD-u odgovaraju onim datim u ostalim relevantnim službenim dokumentima koji se prilažu uz pošiljku;
- l) da je izdat prije nego što je pošiljka na koju se odnosi napustila područje kontrole nadležnog organa zemlje iz koje je ista otpremljena.
- (8) Faksirane i fotokopirane verzije certifikata/dokumenta se ne smatraju originalima.
- a) ukoliko se uz pošiljku prilažu faksirani ili fotokopirani primjerci, potrebno je pojasniti uvozniku ili njegovom špediteru da se pošiljka ne može otpremiti dalje dok se ne priloži originalni certifikat/dokument.
- b) dok se ne podnesu originalni primjerci, pošiljka se mora uskladištiti u objekte GVIP-a.
- (9) U smislu odstupanja, pošiljka se može zadržati u prevoznom sredstvu, s tim da u blizini prostora za istovar postoji priključak za električnu energiju, u slučaju da je pošiljka pod temperaturnim režimom.
- (10) Rok za dostavljanje originalnih dokumenata u zavisnosti od vrste pošiljke određuje GVI.
- (11) Moguća odstupanja od datog roka moraju se službeno zahtijevati faksom ili e-mailom od Ureda koja što je brže moguće daje jasna uputstva za proceduru koju je potrebno izvršiti.
- (12) Mogu se prihvatiti samo sitne formalne greške, ako se odmah isprave. Ispravke se mogu prihvatiti samo onda kada ne podstiču nikakvu sumnju i kada GVI dobije garancije da se ne radi o prevari.
- (13) Kao primjer sitnih, formalnih grešaka možemo spomenuti:
- a) permutacije slova koje čine ime ili adresu pošiljaoca ili primaoca (permutacije slova koje nastaju zbog kaligrafije rukopisa ili stamparskih grešaka);
- b) manje ispravke bez parafa osobe koja je potpisala certifikat/dokument (s korektorom ili olovkom), koje nisu načinjene kod važnih informacija (npr., broj kamiona, broj aviona);
- c) izostavljanje nebitnih navoda;
- d) netačno ili nepotpuno popunjavanje obavijesti o pošiljci (carinska ili dr. šifre).
- (14) Kada se dovodi u pitanje mogućnost ispravke grešaka, šalje se zahtjev za pojašnjenje Uredu.
- (15) U svim slučajevima kada su manje greške prihvaćene, a potom ispravljene, GVI mora provoditi detaljnije fizičke i kontrole identiteta, te uzeti uzorke, kako bi potvrdio adekvatnost pošiljke koja će se uvesti u BiH bez rizika po zdravlje ljudi i životinja.
- (16) O prihvaćanju dokumentacije s manjim greškama moraju se obavijestiti ostali GVIP-i, kako bi se provjerilo da li su se dešavale iste stvari sa sličnom dokumentacijom i istim porijeklom. Potrebno je proslijediti tu informaciju u Ured, kako bi se razmotrila mogućnost pisanja službenog zahtjeva za pružanje garancija nadležnim organima zemlje porijekla pošiljke.
- (17) U ostalim slučajevima, ukoliko se ustanove određene neformalnosti prilikom kontrole dokumentacije, pošiljke ne mogu ući na teritoriju BiH. U takvim slučajevima izdaje se ZVUD u kojem se navode razlozi za otpremanje pošiljke, naplaćuju se takse, a originalni dokumenti se proglašavaju nevažećim pečatom na kojem piše "ZABRANJEN UVOZ".
- (18) Kopija nevažećeg certifikata/dokumenta arhivira se na GVIP-u zajedno s pripadajućom dokumentacijom.
- (19) Originalni veterinarski dokument izdat nakon obavljene kontrole treba zadržati u arhivi na GVIP-u, a ovjerene fotokopije (ovjerene, potpisane i datirane) treba dati osobi odgovornoj za pošiljku.

Član 17. **(Kontrole identiteta)**

- (1) Kontrola identiteta označava vizuelnu inspekciju kojom bi se utvrdilo da se podaci sadržani u certifikatu/dokumentu ili drugom dokumentu koji se prilažu uz pošiljku, podudaraju s markicama i sadržajem pošiljke.
- (2) U principu, sve kontrole identiteta i fizičke kontrole, izuzev kontrole pečata, moraju se vršiti u objektu za inspekciju. Sve takve kontrole vrše se na način kojim se izbjegava mogućnost međusobne kontaminacije, a gdje je to potrebno, uzet će se u obzir kontrolirani temperaturni uvjeti pod kojima se proizvodi prevoze. Ako je riječ o nezapakiranim proizvodima za ljudsku upotrebu, sve kontrole se

moraju izvršiti u prostoru zaklonjenom od vanjskih utjecaja, a potrebno je osigurati i higijensku obradu i zaštitu takvih proizvoda prilikom istovara i utovara.

(3) Svaka pošiljka (100% pošiljaka koje se prijavljuju za ulazak u BiH) podliježe kontroli identiteta, kako bi se utvrdilo da se proizvodi podudaraju s informacijom navedenom veterinarskom certifikatu/dokumentu ili dokumentima koji prate certifikate/dokumente.

(4) Potrebno je izvršiti i vizuelnu inspekciju, kako bi se utvrdilo da li se proizvodi podudaraju s datom informacijom ili dokumentima koji prate pošiljku;

(5) Pored ostalih, ova procedura obuhvata sljedeće:

- za sve tipove proizvoda, kontrolu podudarnosti plombe, službenih markica i zdravstvenih markica koje pokazuju zemlju i instituciju porijekla s onim navedenim u certifikatu/dokumentu ili dokumentu;
- dodatno, za umotane i upakirane proizvode, kontrolu posebnog etiketiranja navedenu u veterinarskim propisima;
- ukoliko se zahtijeva, verifikaciju plombe na prevoznom sredstvu.

(6) Da bi se osigurala korektna kontrola identiteta, prevozno sredstvo treba biti otvoreno.

Verifikacija detalja navedenih u stavu 3. mora se obaviti tako što se pakiranje otvara kada je to potrebno.

(7) U slučaju da proizvodi stignu u kontejnerima, a domaći propisi traže da pečati budu stavljeni od nadležnog organa zemlje porijekla (npr., primjerak certifikata/dokumenta sadrži posebno zaglavlje za broj pečata), treba verifikirati da su pečati ispravni i da se podudaraju s dokumentima.

(8) U drugim slučajevima, kontrolira se prisustvo i podudarnost pečata, službenih markica i zdravstvenih markica koje identificiraju zemlju i instituciju porijekla s onim navedenim u dokumentima. Da bi se obavila takva kontrola, potrebno je otvoriti kontejnere i druge skladišne prostore u kojima su upakirane pošiljke, tako da se mogu vidjeti pečati, službene markice i/ili zdravstvene markice. U slučaju da je pečat na kontejneru slomljen, kontejnere treba ponovo zapečatiti prije napuštanja GVIP-a i unijeti novi broj pečata u ZVUD.

(9) Kontrola identiteta se mora izvršiti tako da se osigura verifikacija pošiljke na reprezentativan način. To znači da se ustaljena praksa uobičajenih kontrola ne može primjenjivati zbog mogućih prevara.

(10) Da bi se osigurala propisna kontrola identiteta, pošiljka se mora istovariti kada je to potrebno ili se mora napraviti prolaz unutar prevoznog sredstva, da bi se omogućila reprezentativna kontrola roba.

Član 18. **(Fizičke kontrole)**

(1) Fizička kontrola označava kontrolu pošiljaka, hranjiva i hrane koja može podrazumijevati kontrolu sredstava transporta, pakiranja, markiranja i temperature, te uzorkovanje i laboratorijsku analizu i svaku drugu potrebnu kontrolu, da bi se utvrdilo poštivanje Pravilnika.

(2) Fizičke kontrole podrazumijevaju provjeru proizvoda, kako bi se utvrdilo da isti još ispunjava uvjete date propisima BiH i da je u odgovarajućem stanju da se koristi u svrhu navedenu u priloženom certifikatu/dokumentu ili dokumentu.

(3) Garancije porijekla, potvrđene od treće zemlje, moraju se shodno verifikirati kako bi se osiguralo da naredni transport proizvoda nije izmijenio prvobitno garantirano stanje proizvoda, i to na sljedeći način:

- a) senzorni pregledi: miris, boja, gustoća, okus;
- b) prosti fizički ili hemijski testovi: rezanje, otapanje, kuhanje;
- c) laboratorijski testovi kako bi se otkrili:
 - 1) rezidue,
 - 2) patogene materije,
 - 3) zagađivači,
 - 4) dokaz o izmjeni.

(4) Neovisno o tipu proizvoda, potrebno je izvršiti sljedeće:

- a) kontrolu stanja proizvoda i prevoznog sredstva, da bi se utvrdili nedostaci ili prekidi u lancu;
- b) uporediti stvarne težine pošiljke i one navedene u veterinarskom certifikatu ili dokumentu i izvagati cijelu pošiljku, ako je to potrebno;
- c) kontrolu ambalaže i svih oznaka (pečati, markice), kako bi se utvrdilo da su one u skladu s propisima BiH;
- d) provjeru temperature, kako je i navedeno u propisima BiH, da bi se osiguralo poštivanje propisa tokom transporta;
- e) ispitivanje cijelog seta pakiranja ili uzoraka u slučaju proizvoda u rinfuzi prije nego budu podvrgnuti senzornom ispitivanju i fizičkim, hemijskim i laboratorijskim testovima;
- f) testovi se moraju obaviti na nizu različitih uzoraka uzetih iz cijele pošiljke, koja može biti djelimično istovarena, a gdje je to potrebno, osigurati da su svi dijelovi pošiljke dostupni;
- g) ispitivanjem se mora pokriti jedan procent artikala ili pakiranja u pošiljci, od najmanje dva do najviše deset artikala/pakiranja;
- h) međutim, zavisno od proizvoda i okolnosti, KZV - GVI mogu insistirati na obuhvatnijim kontrolama;
- i) u slučaju proizvoda u rinfuzi, potrebno je uzeti najmanje pet uzoraka iz različitih dijelova pošiljke;
- j) u slučaju da se vrše testiranja slučajnim uzorkom, čiji se rezultati ne mogu dobiti odmah, a i kada ne postoji opasnost po zdravlje ljudi i životinja, pošiljka može biti puštena;
- k) međutim, u slučaju da se rade laboratorijski testovi zbog sumnje u neregularnost ili su prethodni testovi dali pozitivne rezultate, pošiljka ne može biti puštena sve dok rezultati testova ne budu negativni.

(5) Obavezno potpuno istovaranje prevoznog sredstva vrši se samo u sljedećim slučajevima:

- a) kada su ispitivanja uzoraka pokazala neregularnosti,
- b) prethodna pošiljka pokazala neregularnosti;
- c) službeni veterinar sumnja u neregularnosti.

Čim se fizička kontrola obavi, GVI mora potvrditi kontrolu zatvaranjem i pečačenjem službenim pečatom svih otvorenih pakiranja i ponovnim pečačenjem svih kontejnera, broj pečata se upisuje u dokumentu kojim se potvrđuje prelazak preko granice.

(6) Da bi osigurali provedbu svih relevantnih i neophodnih kontrola, GVI ili osoba koja je izvršila kontrole dužna je popuniti zapisnik o izvršenom dodatnom pregledu. Kopiju zapisnika treba priložiti uz dosije pošiljke koja se zadržava u Ured GVI-a.

(7) Fizičke kontrole se moraju izvršiti kako bi se osigurala verifikacija pošiljke na reprezentativan način. To znači da se ne može primjenjivati ustaljena praksa "uobičajenih kontrola" zbog mogućih nepravilnosti robe i prevara.

(8) Kako bi se osigurala propisna fizička kontrola, pošiljka se mora istovariti kada je to potrebno ili se mora napraviti prolaz unutar prevoznog sredstva, da bi se omogućila reprezentativna kontrola roba.

Član 19.

(Fizičke kontrole mesa i mesnih proizvoda)

(1) Kao primjer fizičkih kontrola koje se trebaju obaviti na proizvodima su kontrole mesa i mesnih proizvoda.

Svježe meso

Kontrolama se utvrđuje poštivanje propisa BiH.

Trupovi

a) sistematskim pregledom:

- prsa, plećki, torakalne i abdominalne šupljine, da bi se otkrili slučajevi onečišćenja ili kontaminacije,
- zglobovi,
- kvalitet krvarenja,

- unutrašnja temperature;
- b) po metodu slučajnog uzorka:
- pH vrijednost,
 - test-kuhanjem;

Rezovi

- a) sistematskim pregledom:
- unutrašnje temperature,
 - izgleda mesa nakon rezanja ,
 - otkrivanje kontaminacije putem kvaliteta krvarenja,
 - identifikacija tipova pozicija;
- b) po metodu slučajnog uzorka
- pH vrijednost,
 - test kuhanjem;

Iznutrice

- a) sistematskim pregledom:
- unutrašnje temperature,
 - izgled kvalitete krvarenja na presjeku,
 - otkrivanje kontaminacije;
- b) metod slučajnog uzorka:
- test-kuhanjem.

U slučaju svih vrsta mesa primjenjuje se:

- a) Provjera termografa, ako je moguće, kontrola održavanja temperature u toku skladištenja i transporta.
- b) Metoda slučajnog uzorka, pokriva određeni procent pošiljaka koji podliježu fizičkim kontrolama:
- otkrivanje otpadaka i zagađivača,
 - otkrivanje fekalnih bakterija (npr. Koliforma) ili patogena (npr. Salmonella),
 - otkrivanje Trichinella (konjsko i svinjsko meso).

Mesni proizvodi

Kontrole se provode kako bi se utvrdilo poštivanje propisa BiH.

- a) sistematskim pregledom/potvrdom:
- unutrašnje temperature, ako je proizvođač naveo temperaturu čuvanja,
 - datum isteka,
 - poprečni presjek,
 - vakuumirana pakiranja (provjeriti izlazak zraka) i stanje konzervi, staklenki ili hermetički zatvorenih skladišta uopće.
- b) metodom slučajnog uzorka koja pokriva određeni procent pošiljaka koje su podvrgnute fizičkim kontrolama:
- otkrivanje otpadaka i zagađivača,
 - otkrivanje bakterija: testovi za potvrđivanje načina obrade,
 - otkrivanje patogenih bakterija,
 - test inkubacije na konzerviranim proizvodima,
 - otkrivanje dodate vode.

Potrebno je popuniti kontrolnu listu urađenih ispitivanja (ili bilo koje dijelove liste koji su primjenjivi, zavisno od tipa proizvoda) za svaki uvoz, i uložiti sa zdravstvenim certifikatom/dokumentom i kopijom ZVUD-a.

Član 20. (Laboratorijske kontrole)

(1) Primjenjuju se sljedeća pravila prilikom laboratorijskog testiranja proizvoda:

- a) GVI mora unijeti podatke o pošiljkama proizvoda koje prikazuje za uvoz u monitoring-plan, s ciljem praćenja poštivanja propisa BiH i, a posebno otkrivanja rezidua, patogenih organizama i drugih supstanci opasnih po ljude, životinje ili okolicu.

b) Monitoring-planovi moraju se zasnivati na prirodi proizvoda i riziku kojeg oni predstavljaju, uzimajući u obzir sve relevantne parametre monitoringa kao što su frekvencija i broj pošiljaka koje ulaze i rezultate prethodnih monitoringa.

c) U slučaju da se u okviru spomenutih monitoring-planova provedu testovi slučajnog uzorka, a ne sumnja se u neposrednu opasnost po zdravlje ljudi i životinja, testirana pošiljka se može pustiti u slobodan promet prije objavljivanja laboratorijskih rezultata.

d) U svim slučajevima ZVUD koji se prilaže uz pošiljku mora biti popunjen, a veterinarska služba u mjestu odredišta obaviještena u skladu s IS-om.

(2) Naznaku da je uzorak poslan na laboratorijska testiranja treba unijeti u registar uvoza. Po prijemu nalaza, isti se također unose u registar. Ured treba primiti kopiju nalaza. Ured se konsultira samo u slučaju nepovoljnog nalaza.

(3) U slučajevima kada se laboratorijski testovi vrše na osnovu sumnje u neregularnost raspoloživih podataka, prethodne obavijesti od sistema za hitno uzbunjivanje Evropske unije ili kao zaštitna mjera, i kada se testiranje odnosi na materije ili patogenog agensa koji predstavlja neposredan rizik po zdravlje životinja i ljudi, GVI koji je vršio testiranja dužan je zadržati pošiljku sve dok se ne prime zadovoljavajući rezultati laboratorijskih testova.

(4) U međuvremenu će pošiljka ostati pod kontrolom nadležnih organa i odgovornosti službenog veterinarara ili službenika GVIP-a koje je obavio veterinarske kontrole.

(5) Svaki GVIP mjesečno obavještava Ured o pozitivnim i negativnim rezultatima laboratorijskih testova koji se vrše na GVIP-u.

(6) Ukoliko su uzeti uzorci, GVI obavještava carinsku službu i date subjekte i navodi da li roba može ili ne može biti puštena prije objave rezultata analize uzoraka, samo ako je osigurana sljedivost pošiljke.

Član 21.

(Dodatne provjere u slučaju sumnje)

(1) Prema odredbama Pravilnika, GVI će, u slučajevima kada postoji sumnja da veterinarski propisi nisu ispoštovani ili sumnje u vezi s:

a) identitetom ili stvarnim odredištem proizvoda;

b) usklađenosti proizvoda s garancijama koje su propisane zakonom za tu vrstu proizvoda;

c) poštivanjem garancija u vezi sa zdravljem životinja i ljudi koje su navedene propisima BiH;

d) provesti sve veterinarske kontrole koje smatra neophodnim, kako bi se potvrdila ili otklonila sumnja.

(2) Proizvodi koji se kontroliraju moraju ostati pod nadzorom GVI-a sve dok se ne dobiju rezultati kontrola. Ako su sumnje potvrđene, kontrole proizvoda istog porijekla moraju se intenzivirati u skladu s članom 40.

Član 22.

(Uzorkovanje proizvoda za laboratorijska testiranja)

(1) Uzorci koji se uzimaju po metodi slučajnog uzorka kao dio fizičke kontrole i onih uzetih kada postoji razlog da se vjeruje da pošiljka može predstavljati rizik po zdravlje ljudi i životinja, trebaju se bez odgađanja predati odobrenim laboratorijama.

(2) Uzorci se uglavnom daju na sljedeća ispitivanja:

a) bakteriologija,

b) Inhibitorne supstance, tj. supstance (nespecifične) koje sprečavaju razvoj određenih bakterija,

c) rezidui određenih veterinarskih ili ljudskih lijekova,

d) kontaminatori, tj. dioxini. PCBs

Modaliteti uzorkovanja:

(1) Za svaki uzorak mora se uzeti dovoljna i reprezentativna količina proizvoda (shodno vrsti testa i metodi koja se traži) i upakirati na higijenski način.

- (2) Najmanje 3% pošiljaka koje se prijavljuju na GVIP-u za uvoz u BiH podvrgavaju se laboratorijskim testovima.
- (3) GVIP izrađuje kvartalni monitoring-plan, uzimajući u obzir rezultate prethodnih testova i godišnjeg plan koji je izradio Ured. Moguća odluka o zaštiti, informacije primljene od drugih GVIP-a prosljeđene u sistemom za hitno uzbunjivanje Evropske unije moraju se uzeti u obzir prilikom izrade kvartalnog monitoring-plana za laboratorijske testove.
- (4) Zatim se uzorak razdvaja u tri dijela od kojih:
- a) jedan se šalje u laboratoriju;
 - b) drugi daje osobi odgovornoj za pošiljku;
 - c) treći uzorak je za super analize.
- (5) Tako pripremljeni uzorci trebaju se upakirati, zapečatiti i propisno arhivirati, imajući na umu temperaturni režim kada je potrebno.
- (6) Svaki upakirani uzorak obilježava se markicom i pečati na GVIP-u, kako bi se izbjeglo eventualno curenje ili zamjena samog uzorka.
- (7) Markica treba najmanje da sadrži sljedeće:
- a) progresivni broj uzorka u skladu s registrom GVIP-a;
 - b) broj ZVUD-a koji se izdaje u skladu s procedurom Pravilnika;
 - c) tipologiju proizvoda;
 - d) ime osobe odgovorne za pošiljku;
 - e) pečat GVIP-a koji traži laboratorijska ispitivanja;
 - f) ime, pečat i potpis GVI-a i paraf osobe odgovorne za pošiljku.
- (8) Osoba odgovorna za pošiljku ima pravo da pomaže u proceduri uzimanja uzoraka, kako bi se osigurala ispravnost procedure.
- (9) Obaveza je koristiti drugi uzorak u slučaju:
- neispravnosti uzorka koji se šalje u laboratoriju na tražena testiranja prema tvrdnji laboratorije koja ga je primila;
 - sumnji u nalaze koje su se javile nakon laboratorijskih ispitivanja;
 - na zahtjev osobe odgovorne za pošiljku nakon što prvi testovi nisu dali pozitivne rezultate i nakon što je pošiljka proglašena nepodobnom za uvoz.
- (10) U drugom slučaju osoba odgovorna za pošiljku mora zatražiti ponavljanje istih testova u roku od jednog radnog dana nakon dobijanja laboratorijskih rezultata.
- (11) U ovom slučaju uzorak se mora poslati u drugu laboratoriju, a ne u onu koja je radila prve testove.
- (12) U ovom slučaju laboratorija može razdvojiti uzorke u dva dijela, zadržavajući drugi u slučaju mogućeg zahtjeva za reviziju.
- (13) Ako novi laboratorijski testovi pokažu drugačije rezultate (povoljne) od rezultata prvobitnih testova, osoba odgovorna za pošiljku može tražiti dozvolu za ulaz pošiljke koja je podvrgnuta uzorkovanju.
- (14) U navedenom slučaju moguće je izvršiti reviziju analize u skladu s upravnim postupkom, u skladu s propisima BiH.
- (15) U trećem slučaju, preostali dio uzorka zadržanog u laboratoriji mora se poslati državnoj referentnoj laboratoriji, koja vrši traženo testiranje ili zahtijevati super analizu trećeg uzorka.
- (16) Sve troškove ponavljanja analiza snosi osoba odgovorna za pošiljku.
- (17) Ponavljanje analize ne može se tražiti ni u kom slučaju kada laboratorijski testovi pokažu prisustvo supstanci ili rezidua zabranjenih propisima BiH.
- (18) Obrazac zapisnika za laboratorijske testove propisno popunjen, potpisan i ovjeren od GVI-a mora se poslati u laboratoriju koja zavodi prijem s potpisom i datumom.

Član 23.
(Prerađeni životinjski protein)

(1) U slučaju pošiljaka prerađenog životinjskog proteina (u prvom redu riblje brašno), vrši se uzorkovanje i testiranje na salmonellu; ovi uzorci se šalju u laboratoriju.

(2) Uzorke treba uzimati prema reduciranoj kvartalnoj metodi, tj. potrebno je uzeti najmanje 15 i više uzoraka sa što više mjesta u pošiljci. Potom ih treba izmiješati na čistoj podlozi i napraviti konus. Zatim se konus isiječe na četvrtine, a suprotne četvrtine se bacaju. Ovaj proces se nastavlja dok se ne dobije uzorak od 500 grama.

Vrši se i uzorkovanje prerađenih životinjskih proteina, kako bi se potvrdilo poštivanje propisa TSE.

Član 24.
(Reducirane kontrole)

(1) Nije potrebno vršiti fizičke kontrole svih pošiljaka proizvoda životinjskog porijekla koji se uvoze.

(2) Sljedeća tabela prikazuje nivo fizičkih kontrola koje se provode na harmoniziranim proizvodima. Uključivanje proizvoda u ovu tabelu ne znači da isti podliježe reduciranoj frekventnosti kontrola. Reducirane kontrole mogu se primjenjivati isključivo na proizvode za koje su procedure uvoza u potpunosti harmonizirane, tj. za koje treća zemlja porijekla ima odobrenje, koji dolaze iz odobrenog objekta (zdravlje životinja i ljudi) i za koje postoji standardni certifikat/dokument (zdravlje životinja i ljudi). Umanjenje procenta fizičkih kontrola treba se zasnivati na nepredvidivom sistemu, uzimajući u obzir, u svakom slučaju, zemlju porijekla, objekat porijekla, te rezultate kontrola provedenih na pošiljkama istog porijekla.

(3) Lokalni centar za analizu rizika koji posjeduje informatičke tehnologije treba da sadrži funkciju koja prepoznaje uvoz roba koje podliježu reduciranoj fizičkoj kontroli, i koji prema metodi slučajnog uzorka vrši odabir pošiljaka koje je potrebno kontrolirati.

(4) Zbog toga se bilateralni sporazumi i različiti nivoi kontrole primjenjuju na proizvode iz zemalja partnera.

(5) Službeni veterinar ili nadležni organ će u slučaju sumnje u kršenje veterinarskih propisa ili sumnje u smislu:

a) identiteta ili stvarnog odredišta proizvoda;

b) usklađenosti proizvoda s garancijama navedenim u propisima za datu vrstu proizvoda;

c) usklađenosti s garancijama u vezi s životinjskim ili ljudskim zdravljem navedenim u propisima BiH, izvršiti sve veterinarske kontrole koje veterinar ili nadležni organ smatra adekvatnim, kako bi potvrdio ili opovrgnuo sumnju.

(6) Kontrolirani proizvodi moraju ostati pod nadzorom nadležnog organa do objave rezultata kontrola.

(7) Frekventnost fizičkih kontrola proizvoda, navedena u sljedećoj tabeli, vršit će se, na osnovu odluke direktora Ureda.

Kontrole bi trebale biti reducirane na osnovu sljedeće tabele:

Član 25.
(Zajednički veterinarski ulazni dokument [ZVUD] za proizvode)

Po izvršenju potrebnih veterinarskih kontrola sa zadovoljavajućim rezultatima i plaćanja taksi, GVI je dužan izdati propisno popunjen i potpisan certifikat/dokument za datu pošiljku proizvoda.

ZVUD prati pošiljku:

- sve dok je pošiljka pod nadzorom carine, u tom slučaju spomenuti dokument se poziva na carinski dokument;
- u slučaju uvoza, do prve institucije ili do prvog centra ili organizacije odredišta.

Ako je pošiljka podijeljena, odredbe iz stavova 1. i 2. primjenjuju se na svaki dio.

Samo GVI je ovlašten da potpisuje popunjeni dokument.

Po izdavanju ZVUD-a, jedino carina može izvršiti puštanje pošiljke.

Detaljna uputstva za popunjavanje ZVUD-a od uvoznika i GVI-a:

Opća uputstva

Popunite certifikat/dokument čitko štampanim slovima. Tamo gdje postoji opcija da se prekriži kvadrat jasno precrtajte ili prekrižite cijeli označeni kvadrat. Da biste pozitivno odgovorili, označite kvačicom ili drugom oznakom.

Ovaj certifikat/dokument popunjava se za sve pošiljke koje se prikazuju na GVIP-u, bilo da se radi o pošiljkama koje ispunjavaju uvjete propisane zakonodavstvom BiH, i idu u slobodni promet, pošiljkama koje podliježu kanaliziranju ili izvozu ili onim pošiljkama koje ne ispunjavaju uvjete u skladu s propisima BiH, a namijenjene su za pretovar, tranzit ili slobodne zone, konsignacijska skladišta, carinska skladišta ili opskrbljivače brodova. Kanaliziranje se odnosi na pošiljke prihvaćene pod uvjetima navedenim u Pravilniku, ali koje ostaju pod veterinarskom kontrolom sve dok ne dođu do određenog odredišta, obično zbog dalje obrade.

ISO šifre, kada su naznačene, odnose se na međunarodne troslovne šifre za svaku zemlju.

Uputstvo za popunjavanje prve stranice ZVUD-a

Ovaj dio popunjava uvoznik u skladu s članom 3. stav (3) Priručnika.

Uvoznik kroz sistem za najavu pošiljaka popunjava prvu strana ZVUD obrasca za proizvode prema uputstvu za popunjavanje ZVUD-a, te ZVUD obrazac štampa u tri primjerka, koja ovjerena i potpisana u papirnoj formi dostavlja na GVIP.

Da bi dobili prava pristupa sistemu za najavu pošiljaka, uvoznici ili predstavnici uvoznika treba da podnesu zahtjev za dobijanje prava pristupa (zahtjev je dat u prilogu), te sudsku registraciju i kopiju lične karte odgovorne osobe.

Napomene i objašnjenja za popunjavanje prikazane su pored relevantnog broja kvadrata.

Dio1.

Kvadrat 1. Pošiljalac/izvoznik: navedite komercijalnu organizaciju koja šalje pošiljku (drugoj zemlji).

Kvadrat 2. Referentni broj ZVUD-a, GVIP i broj rješenja za uvoz: referentni broj ZVUD-a je jedinstveni referentni broj unijet od GVIP-a koji izdaje certifikat/dokument. GVP se odnosi na prelaz na kome je pošiljka najavljena. Broj rješenja prema kome se uvozi odnosi se na broj dozvole prema kojoj se uvozi.

Kvadrat 3. Primalac: navedite adresu osobe ili komercijalne organizacije navedene u certifikatu/dokumentu treće zemlje. Ako ovaj podatak nije naveden u certifikatu/dokumentu, mogu se koristiti podaci primaoca navedeni u relevantnim komercijalnim dokumentima.

Kvadrat 4. Osoba odgovorna za pošiljku (špediter ili osoba koja najavljuje pošiljku): Odnosi se na osobu odgovornu za pošiljku kada se ista predstavlja na GVIP-u, koja, u ime uvoznika, daje sve potrebne izjave veterinarskim i carinskim službama: navodi se naziv špedicije i ime odgovorne osobe.

Kvadrat 5. Uvoznik: uvoznik može biti udaljen od GVIP-a: navedite ime i adresu. Ako su uvoznik i špediter ista osoba, navedite 'kao u kvadratu 4'.

Kvadrat 6. Zemlja porijekla: odnosi se na zemlju u kojoj je finalni proizvod proizveden, izrađen ili upakiran.

Kvadrat 7. Zemlja iz koje se upućuje: odnosi se na zemlju gdje je pošiljka utovarena u prevozno sredstvo kako bi bila prebačena u BiH.

Kvadrat 8. Adresa odredišta: navedite adresu odredišta pošiljke u BiH. Ovaj kvadrat se primjenjuje na harmonizirane proizvode (kvadrat 19) i na neharmonizirane proizvode (kvadrat 22).

Kvadrat 9. Prispjeće u GVP: navedite datum očekivanog dolaska pošiljke na GVIP.

Kvadrat 10. Veterinarski certifikat/dokument/dokument: datum izdavanja: datum kada je certifikat/dokument/dokument potpisan od službenog veterinara ili drugog nadležnog organa zemlje porijekla. Broj: navedite jedinstveni službeni broj certifikata/dokumenta. Za proizvode iz ovlaštene ili registrirane institucije ili broda, navedite ime i odobrenje/registarski broj gdje je to potrebno. Za embrione, jajne ćelije ili spermu, navedite identifikacioni broj ovlaštenog tima za sakupljanje. Navesti i objekat porijekla.

Kvadrat 11. Navedite sve podatke u vezi s prevoznim sredstvom prilikom dolaska: za avion navedite broj leta i broj avionskog teretnog lista, za plovila ime broda i broj teretnice, za putnička vozila broj registarske tablice s brojem prikolice, i za željeznicu broj voza i vagona.

Kvadrat 12. Naziv robe i količina: izaberite vrstu proizvoda te neto-težinu. Obilježite odgovarajuću temperaturu transporta.

Kvadrat 13. Oznaka artikla: navesti nje manje prve četiri brojke šifre relevantne kombinirane nomenklature.

Kvadrat 14. Bruto-težina: ukupna težina u kilogramima. Definira se kao ukupna masa proizvoda s neposrednim pakiranjem i ukupnim pakiranjem, bez transportnih kontejnera i druge transportne opreme.

Kvadrat 15. Neto-težina: stvarna težina proizvoda bez pakiranja izražena u kilogramima. Definira se kao masa samih proizvoda bez bilo kakvog pakiranja.

Kvadrat 16. Ukoliko se smatra bitnim, navedite identifikacione brojeve pečata i kontejnera.

Kvadrat 17. Za izvoz: koristite ovu rubriku kod izvoznih pošiljaka s biranjem opcija potvrđen izvoz i odabirom države u koju se izvozi.

Kvadrat 18. Za provoz: koristi se za pošiljke koje su namijenjene za treću zemlju i pritom prelaze preko teritorije BiH cestovnim, željezničkim ili vodenim transportom. GVIP izlaza: navesti naziv GVIP-a na kojem proizvodi trebaju izaći iz BiH. Navesti i državu u koju se roba prevozi.

Kvadrat 19. Za uvoz: svi proizvodi koji se puštaju u slobodan promet na domaćem tržištu, uključujući i one koji su prihvatljivi, ali podliježu 'proceduri kanaliziranja' i one koji su dobili veterinarske dozvole i pritom ocijenjeni prihvatljivim za slobodan promet, mogu se uskladištiti pod carinskom kontrolom i kasnije dobiti carinsku dozvolu od carinarnice koja je geografski vezana za GVIP ili je smještena na drugoj lokaciji.

Proizvodi koji ne ispunjavaju zahtjeve BiH ili EU, a upućeni su u slobodne zone, konsignacijska i carinska skladišta, agentima za snabdijevanje brodova, ili u brodove ili su u prolasku ka trećoj zemlji.

Kvadrat 20. Ponovni uvoz: odnosi se na pošiljke porijeklom iz BiH koje su odbijene ili im nije dozvoljen ulazak u treću zemlju, te su vraćeni u objekat porijekla u BiH.

Kvadrat 21. Pošiljka namijenjena za: izabrati ponuđene opcije.

Kvadrat 22. Popunite ovaj kvadrat za sve neharmonizirane proizvode ukoliko će pošiljka biti dostavljena i skladištena pod veterinarskom kontrolom u slobodnoj zoni, konsignacijskom skladištu, carinskom skladištu ili opskrbi brodova.

Kvadrat 23. Potpis: obavezuje potpisnika da prihvati pošiljke u tranzitu kojima nije dozvoljen ulazak od treće zemlje.

Uputstvo za popunjavanje druge strane ZVUD-a

Ovaj dio popunjavaju i ovjeravaju samo službeni veterinari.

Dio 2.

Za popunjavanje kvadrata od 38. do 41. koristite drugu boju, a ne crnu.

Kvadrat 24. Izdat zamjenski zapisnik: ako je zbog tehničke nemogućnosti izdavanja ZVUD-a izdat GVI-1 zapisnik, prilikom popunjavanja u sistem upisati serijski broj GVI-1 zapisnika.

Kvadrat 25. Odnosi se na jedinstveni referentni broj dat pošiljci od GVIP-a koji izdaje certifikat/dokument, kao i u kvadratu 2.

Kvadrat 26. Kontrole dokumentacije: provode se za sve pošiljke. Označiti ako pregled zadovoljava.

Kvadrat 27. Identifikacijski pregled: provodi se za sve pošiljke. Označite "kontrola veterinarske plombe" kada kontejneri nisu otvoreni, a kontroliraju u skladu s ovim Priručnikom.

Kvadrat 28. Fizičke kontrole: reducirane kontrole se odnose na režim propisan u stavu (19) ovog Priručnika kada pošiljka na podliježe fizičkoj kontroli, već se smatra da su dovoljne samo kontrole dokumentacije i identiteta sa zadovoljavajućim rezultatima. Termin 'Ostalo' odnosi se na: proceduru ponovnog uvoza, kanaliziranje robe, pretovar, prelazak ili carinska skladišta, slobodne zone i procedure snabdijevanje brodova navedene u ovom Priručniku. Ova odredišta mogu se utvrditi na osnovu drugih kvadrata.

Kvadrat 29. Potrebno uzimanje uzoraka: obilježiti da li je potrebno uzimanje uzoraka i, ako jeste, gdje se uzorci uzimaju.

Kvadrat 30. PRIHVATLJIVO za izvoz: popuniti u slučaju odobrenja izvoza.

Kvadrat 31. PRIHVATLJIVO za tranzit: popuniti u slučaju odobrenja provoza.

Kvadrat 32. PRIHVATLJIVO za uvoz: kvadrat se koristi za sve pošiljke koje su odobrene za slobodan promet unutar domaćeg tržišta (za uvoz).

(Koristi se i za pošiljke koje ispunjavaju uvjete BiH, ali iz finansijskih razloga nisu carinjene odmah na GVIP-u, nego su zadržane pod carinskom kontrolom u carinskom skladištu ili će se kasnije cariniti i/ili na geografski odvojenoj destinaciji).

Kvadrati 33. i 34. Koriste se kada se, u skladu s veterinarskim propisima, za pošiljke ne može odobriti slobodan promet, ali se smatra da predstavljaju veći rizik, te se šalju pod veterinarskom i carinskom kontrolom u jedno od kontroliranih odredišta navedenih u ovom Priručniku, ili se radi o ponovnom uvozu (povratu pošiljke). Odobrenje za slobodne zone, konsignacijska skladišta ili carinska skladišta izdaje se ukoliko se ispune uvjeti navedeni u Priručniku.

Kvadrat 33. Koristi se kada je pošiljka prihvaćena, ali se mora kanalizirati u posebno odredište navedeno u ovom Priručniku, ili se radi o ponovnom uvozu (povratu) pošiljke u BiH a koja je porijeklom iz BiH.

Kvadrat 34. Koristi se za sve neharmonizirane pošiljke koje su namijenjene za smještaj ili skladištenje u skladišta odobrena u skladu s ovim Priručnikom.

Kvadrat 35. Jasno naznačite, ukoliko uvoz nije odobren, narednu proceduru koja se treba obaviti. Navedite datum za obavljanje predložene radnje. Upišite adresu institucije za transformaciju u kvadrat 37. Nakon odbijanja pošiljke ili odluke o transformaciji, datum naredne radnje treba upisati u 'registar narednih radnji'.

Kvadrat 36. Razlozi odbijanja: koristite kada je potrebno da biste dodali relevantne informacije. Označite odgovarajući kvadrat.

Tačka 7. odnosi se na nezadovoljavajući nivo higijene koji nije pokriven tačkama 8. ili 9., kao i na neregularnosti u kontroli temperature, truljenje ili prljave proizvode.

Kvadrat 37. Navedite broj odobrenja i adresu (ili naziv broda ili luke) za sva odredišta kada se traže dodatne veterinarske kontrole pošiljke, npr. za kvadrat 33: Kanaliziranje; 34: Procedura vezana za skladišta; 35: Transformacija ili uništavanje.

Kvadrat 38. Koristite ovaj kvadrat kada je originalni pečat na pošiljci uništen prilikom otvaranja kontejnera. Potrebno je izraditi i čuvati sveobuhvatnu listu pečata korištenih u ovu svrhu.

Kvadrat 39. Službeni pečat GVIP-a.

Kvadrat 40. Potpis veterinara GVIP-a.

Kvadrat 41. Kvadrat koristi GVIP izlaza iz BiH kada se radi o pošiljkama namijenjenim za proceduru tranzita preko BiH koje nadalje podliježu kontroli u skladu sa ovim Priručnikom. Ukoliko se ne radi u tranzitu, ovaj kvadrat se može alternativno koristiti za dodatne komentare ukoliko je potrebno, a u vezi sa npr. neuklanjanjem hrptenjače ili plaćenim taksama.

Kvadrat 42. Kvadrat koriste carinske službe za unos dodatnih relevantnih podataka (npr., carinskog certifikata/dokumenta) u slučajevima kada pošiljke određeni period ostaju pod carinskom kontrolom. Uobičajeno je da veterinar unese te podatke nakon potpisivanja.

Kvadrat 43. Koristi se kada originalni ZVUD mora ostati na nekoj lokaciji, a za pošiljku se izdaje istovjetni ZVUD.

Član 26. **(Izdavanje ZVUD-a)**

(1) Procedura koja se primjenjuje po izvršenju veterinarskih kontrola

a) Po izvršenju veterinarskih kontrola propisanih Pravilnikom, službeni veterinar odgovoran za GVIP popunjava dio 2. ZVUD-a.

1) ZVUD potpisuje službeni veterinar ili drugi veterinar koji radi pod nadzorom onog prvog, da bi se dala veterinarska dozvola pošiljci.

2) Originalni primjerak popunjenog i potpisanog ZVUD-a za pošiljke za koje je izdata veterinarska dozvola, sastoji se od dijelova 1. i 2.

3) Ukoliko pošiljka zadovoljava uvjete u vezi s uvozom, GVI izdaje datoj osobi certifikat/dokument (ZVUD) u kojem, na osnovu veterinarskih kontrola izvršenih u GVIP-u, izjavljuje da pošiljka zadovoljava date uvjete.

GVI zadržava jedan primjerak ZVUD-a.

GVI predaje primjerak ZVUD-a osobi odgovornoj za pošiljku.

Nakon dobijanja carinske dozvole original ZVUD-a prati pošiljku do prve institucije odredišta.

4) Službeni veterinar ili osoba odgovorna za pošiljku obavještava carinske organe datog GVIP-a o veterinarskom odobrenju za pošiljku, podnoseći originalni primjerak ili prosljeđujući isti putem elektronskih sredstava.

5) Službeni veterinar zadržava i arhivira na minimalni period tri godine originalni primjerak veterinarskog certifikata/dokumenta ili dokumenta izdatog od treće zemlje, koji se prilaže uz pošiljku. Međutim, u slučaju pošiljaka proizvoda u tranzitu ili onih namijenjenih za skladišta odobrena na osnovu propisa BiH, te onih čija su konačna odredišta smještena van BiH, originalni veterinarski dokumenti će i nadalje pratiti pošiljku, dok se na GVIP-u zadržavaju samo kopije ovih dokumenata.

6) Carinski organi i drugi organi na granici ne dozvoljavaju uvoz pošiljaka proizvoda ukoliko se ne osigura dokaz da su izvršene sve relevantne veterinarske kontrole sa zadovoljavajućim rezultatima, da je izdat relevantni certifikat/dokument (ZVUD), te da su takse plaćene ili će biti plaćene.

U slučaju dijeljenja pošiljke proizvoda koji se uvoze, GVIP izdaje osnovni ZVUD za cjelokupnu pošiljku roba.

Za svaki dio pošiljke izdaje se drugi dodatni ZVUD.

U svakom dodatnom ZVUD-u potrebno je jasno naznačiti broj osnovnog ZVUD-a, kako bi se osigurala sljedivost pošiljke.

Potrebno je kreirati istu vezu na glavnom ZVUD-u, koja će se odnositi na brojeve dodatnih ZVUD-a.

Za svaki dodatni ZVUD, GVI treba osigurati ovjerenu kopiju veterinarskog certifikata/dokumenta, koja će pratiti pošiljku do odobrenog odredišta.

(2) Procedura koja se primjenjuje kada su pošiljke proizvoda dobile veterinarsku dozvolu, ali su još pod carinskim nadzorom

1) Ukoliko su pošiljke proizvoda dobile veterinarsku dozvolu na GVIP-u, ali ostaju pod carinskim nadzorom i tek kasnije se puštaju u slobodan promet, primjenjuje se procedura propisana stavovima 2., 3. i 4.

2) Originalni primjerak ZVUD-a prati pošiljku sve dok je pošiljka pod carinskim nadzorom kroz jednu ili više institucija, sve dok osoba odgovorna za pošiljku ne zatraži carinsku dozvolu.

3) Prilikom prvog carinjenja, osoba odgovorna za pošiljku podnosi original ZVUD-a carinarnici odgovornoj za objekat u kojem se pošiljka nalazi. Ova procedura se može izvršiti i elektronskim putem po odobrenju Ureda.

4) Po prijemu zahtjeva za carinsku dozvolu, navedenu u stavu 3., službenik na objektu će:

a) zadržati kopiju ZVUD-a koji prati pošiljku;

b) evidentirati datum prijema pošiljke;

c) evidentirati datum carinjenja ili datume carinjenja, ukoliko je pošiljka podijeljena kako je opisano u daljnjem tekstu.

Procedura koja se primjenjuje kada su pošiljke pod carinskim nadzorom podijeljene u dijelove

1. Kada je pošiljka podijeljena u dijelove, original ZVUD-a prezentira se nadležnim carinskim organima odgovornim za objekat gdje je pošiljka podijeljena. Kopija ZVUD-a ostaje u objektu gdje je pošiljka podijeljena.

2. Veterinarske službe odgovorne za objekat iz stava 1. mogu izdati autentičnu fotokopiju originala ZVUD-a za svaki dio pošiljke, s naznakom o provjerenoj količini ili težini.

Veterinarske službe mogu tražiti od operatera na objektu gdje je pošiljka podijeljena da vodi evidenciju da bi se osigurala sljedivost različitih dijelova pošiljke.

Evidencija i kopije ZVUD-a moraju se čuvati tri godine.

Član 27.
IS (informacioni sistemi)

(1) Svaki GVIP je opremljen IS (informatičkim sistemom), koji je uspostavljen kako bi se elektronskim putem izvještavalo o kretanju živih životinja i proizvoda životinjskog porijekla preko granice BiH.

(2) Međutim, sistem je dodatno proširen da bi se vršio monitoring kretanja određenih proizvoda. IS poruke se šalju u slučajevima svih pošiljaka koje se pregledaju u skladu sa objedinjenom spiskom roba koje podlježu pregledu od GVI-a.

Član 28.
(Proizvodi za koje je obavezno praćenje do odredišta kanaliziranja)

(1) Potrebno je vršiti praćenje određenih proizvoda do mjesta odredišta (npr. sirovine za tehničku upotrebu ili proizvodnja hrane za kućne ljubimce). Takav monitoring vrši se na sljedeći način:

(2) Objekat odredišta mora biti ovlašten da prima proizvode 'kanalizirane' od Ureda:

- a) proizvod mora napustiti GVIP pod nadzorom nadležnog službenika;
- b) prevozna sredstva i kontejneri moraju biti zaštićeni od prokišnjavanja;
- c) prevozna sredstva i kontejneri moraju biti zapečaćeni od nadležnog službenika;
- d) proizvodi moraju proći carinsku proceduru;
- e) šalje se IS poruka veterinarskoj službi odredišta;
- f) obrazac zapisnika s GVIP-a mora pratiti pošiljku do odredišta;
- g) ovaj zapisnik mora ovjeriti i odgovorna osoba u objektu odredišta u roku od 12 sati nakon primanja proizvoda i faksirati GVIP-u ulaza;
- h) proizvodi moraju proći obradu određenu u objektu odredišta;
- i) svaka pošiljka proizvoda navedena u ovom poglavlju podliježe fizičkim kontrolama i kontrolama dokumentacije i identiteta na GVIP-u ulaza, kako bi se utvrdilo poštivanje propisa koji su na snazi u BiH;
- j) međutim, divlje krznene životinje uvezene oderane podliježu fizičkoj kontroli i kontroli identiteta, pored zdravstvene kontrole i testiranja na rezidue, koje bi se trebale vršiti u skladu s monitoring-planom pripremljenim od Ureda, ispunjavati i posebne uvjete predviđene za probleme ubijanja divljih životinja i plasiranja mesa divljih životinja na tržište, u objektu odredišta u koje se meso dostavlja pod carinskim nadzorom i zajedno sa ZVUD-om.
- k) ako obrazac nije vraćen u roku od 12 sati, GVIP mora kontaktirati Ured za dalje upute.
- l) ukoliko objekat ne uspije zadovoljiti kriterije u vezi s obavijesti, Ured može povući odobrenje i nametnuti potrebne kazne u skladu s nastalim rizikom.

Član 29.
(Pretovar i kratko zadržavanje)

(1) Neophodno je da GVI primi ispravne informacije ukoliko su životinje pretovarane na drugom GVIP-u prije nego su ušle u BiH.

(2) Osoba odgovorna za pošiljku dužna je obavijestiti službenog veterinaru odgovornog za GVIP u vrijeme dolaska i putem faksa obavijestiti GVIP odredišta o procijenjenom vremenu istovara pošiljke i, ukoliko je to potrebno, navesti tačnu lokaciju pošiljke.

(3) Pošiljke namijenjene za uvoz u BiH koje pristižu na jedan GVIP, ali su namijenjene za uvoz preko drugog GVIP-a smještenog na istoj teritoriji, podvrgavaju se fizičkoj i kontroli identiteta na GVIP-u odredišta, ukoliko se transport vrši morskim ili zračnim putem.

(4) Sljedeće procedure provode se na GVIP-u ulaza:

ukoliko je pošiljka pretovarena s jednog aviona na drugi ili s jednog broda na drugi, unutar carinske zone istog aerodroma ili luke, bilo direktno ili nakon istovara u pristaništu ili pisti, i to u vremenu kraćem od propisanog minimalnog perioda, osoba odgovorna za pošiljku o tome obavještava GVI.

Izuzetno, u slučaju rizika po zdravlje ljudi ili životinja, može se provesti kontrola dokumentacije životinja na osnovu certifikata/dokumenta ili veterinarskog dokumenta o porijeklu ili bilo kojeg drugog originalnog dokumenta priloženog uz pošiljku ili autentičnih kopija;

a) ukoliko je pošiljka na drugi način istovarena, ona mora:

b) biti uskladištena na maksimalan i minimalan period i pod nadzorom GVI-a i carinske službe u carinskoj zoni luke ili aerodroma do otpremanja u drugi GVIP zračnim ili morskim putem;

c) za aerodrome minimalan period je 12 sati, a maksimalan 48 sati; za morsku luku minimalan period je 7 dana, a maksimalan 20 dana;

d) proći kontrolu dokumentacije proizvoda na osnovu odgovarajućih dokumenata;

e) izuzetno, biti podvrgnuta fizičkoj kontroli ukoliko postoji mogućnost ugrožavanja ljudskog ili životinjskog zdravlja;

(5) U slučajevima gdje je prekoračen maksimalan period definiran u stavovima, pošiljka mora proći sve kontrole predviđene Pravilnikom na GVIP-u ulaza.

(6) Ukoliko je neophodno, ove odredbe mogu se primijeniti i na pretovar unutar željezničkog saobraćaja.

Naprimjer:

Luke - ukoliko je pošiljka pretovarena s jednog broda na drugi, bilo direktno ili nakon što je bila uskladištena na pristaništu ili u skladištu unutar carinske zone na manje od 7 dana, ona se ne provjerava. Veterinarski organi mogu provesti kontrole dokumentacije ukoliko postoji sumnja da pošiljka predstavlja rizik po ljudsko zdravlje ili zdravlje životinja. Ukoliko pošiljka ostane od 7 do 20 dana na pristaništu ili u skladištu unutar carinske zone, ista prolazi kroz kontrolu dokumentacije. Ukoliko se pošiljka istovari, podliježe potpunim kontrolama.

Aerodromi - primjenjuju se ista pravila na robu koja je otpremljena na aerodrome, ali u ovom slučaju, minimalan i maksimalan period iznose 12 i 48 sati.

Ako se pošiljka pretovara u luci ili na aerodromu i ako je izvršena samo djelimična kontrola (tj. kontrola dokumentacije), izdaje se ZVUD za pošiljku u skladu s relevantnim propisima.

Slično tome, kontrolira se ulazni ZVUD i prateći dokumenti, kako bi se provjerilo jesu li izvršene potpune kontrole pošiljke. Ukoliko pošiljka nije u potpunosti kontrolirana (osim ako GVIP zemlje porijekla nije izdao odobrenje, primjenjujući režim reduciranih kontrola), pošiljka se obrađuje u skladu s uobičajenom procedurom na GVIP-u, te se za nju izdaje novi ZVUD.

Sljedeća tabela obuhvata sve navedene uvjete:

GVIP	Kontrola dokumentacije	Kontrola identiteta	Fizička kontrola
Aerodrom	>12 sati	>48 sati	>48 sati
Luka	> 7 dana	> 20 dana	> 20 dana
Željeznica	ndefinirano	ndefinirano	ndefinirano

Član 30. (Tranzit)

(1) GVI odobrava isključivo tranzit pošiljke iz jedne treće zemlje u drugu, ukoliko:

takve pošiljke dolaze iz treće zemlje čijem proizvodu nije zabranjen ulazak na BiH teritoriju, a namijenjene su za izvoz u drugu treću zemlju. GVI može izdati ovaj zahtjev za pretovar za pošiljke koje su pretovarene s jednog aviona na drugi, s jednog broda na drugi, unutar carinske zone iste luke ili aerodroma, radi ponovnog otpravljanja bez daljnjih zaustavljanja u BiH:

a) osoba odgovorna za pošiljku, prvo uzima vlasništvo nad pošiljkom ukoliko su proizvodi odbijeni, te djeluje u skladu s ovim Priručnikom;

b) je takav tranzit prethodno odobrio GVI ulaza.

- (2) Uz pošiljke koje su predmet tranzita na GVIP prilaže se veterinarska dokumentacija ili druga prateća dokumentacija, zajedno sa, ako je neophodno, autentičnim prevodima tih dokumenata:
- a) pošiljka proizvoda mora biti prezentirana u navedenom GVIP-u kako bi se podvrgla kontroli dokumentacije i identiteta.
- (3) Moguće je odobriti odstupanje od kontrole dokumentacije i identiteta za zračni i morski prevoz pošiljke ukoliko:
- a) pošiljka nije istovarana. U ovom slučaju će kontrola dokumentacije biti ograničena na kontrolu sadržaja tereta;
- b) je pošiljka pretovarena, kako je opisano u članu 29., s jednog aviona na drugi, s jednog broda na drugi, unutar carinske zone iste luke ili aerodroma.
- (4) U pojedinačnim slučajevima i onda kada pošiljka može predstavljati opasnost po zdravlje ljudi ili životinja ili kada se sumnja u nepravilnosti, moraju se izvršiti dodatni dodatne fizičke kontrole.
- (5) Ukoliko su proizvodi pretovareni, onda su procedure kontrole iste kao one opisane u članu Pretovar ili Kratko zadržavanje. Primjenjuju se ista vremenska ograničenja, ali kontrole ne bi trebalo da budu opširnije od kontrola dokumentacije ili identiteta, osim ako se ne uoče neke nepravilnosti ili se sumnja da bi pošiljka mogla predstavljati opasnost po zdravlje ljudi ili životinja.
- (6) U slučaju prelaska cestom, željeznicom ili vodenim putem preko teritorije BiH, ta pošiljka:
- a) se šalje pod carinskim nadzorom, u skladu s carinskom procedurom opisanom u Pravilniku do tačke izlaza iz BiH, zajedno s veterinarskom dokumentacijom ili ostalim pratećim dokumentima i ZVUD-om kojim se potvrđuje GVIP izlaza pošiljke iz BiH;
- b) transportira, bez pretovara ili dijeljenja pošiljke proizvoda nakon što napusti GVIP ulaza, u zapečaćenim prevoznim sredstvima. Nije odobreno rukovanje pošiljkom tokom transporta;
- c) napušta BiH preko GVIP-a za maksimalno 2 dana nakon što je napustila GVIP ulaza, osim u slučaju kada je izuzetak odobrila Ured ili GVI, uzimajući u obzir mnoge slučajeve geografske udaljenosti;
- d) GVI koji odobrava transport obavještava GVIP izlaza putem IS mreže;
- e) GVI izlaza navodi u ZVUD-u da je pošiljka napustila BiH i šalje kopiju dokumenta GVIP-u ulaza, putem faksa ili drugih sredstava.
- (7) Ukoliko GVI ulaza nije obaviješten o izlazu proizvoda iz BiH unutar navedenog vremenskog roka od 2 dana, on/ona se obraća carinskoj službi, koja će nadalje vršiti istraživanja, kako bi ustanovila stvarno odredište proizvoda.
- (8) Sve troškove nastale na osnovu ovog člana snosi osoba odgovorna za pošiljku ili njen predstavnik, bez naknade štete od države, u skladu s propisima koji su na snazi u BiH.
- (9) Posebne odredbe u vezi s tranzitom proizvoda iz jedne treće zemlje u drugu samo prelaskom cestom preko BiH, primijenit će se kako slijedi.
- (10) Kategorija odobrenja izdatog od GVIP-a izlaza mora biti unaprijed verificirana, kako bi se osoblje upoznalo s proizvodima koji se podvrgavaju kontroli.
- (11) U skladu s ovim, GVI ili drugi službeni veterinar kojeg je postavio GVI, odgovoran je za izvršenje svih neophodnih kontrola na GVIP-u izlaza pošiljke iz BiH. Kontrole trebaju potvrditi da je primljena pošiljka poslana s GVIP-a ulaza, odgovara onoj primljenoj, i da je usklađena s podacima datim u priloženom ZVUD-u.
- (12) Po završetku kontrola, popratni ZVUD mora biti označen riječima: "formalnosti u vezi s izlaskom iz BiH i kontrole izvršene na proizvodima u tranzitu", potvrđeno u skladu s ovim članom, opečaćeno službenim pečatom GVIP-a, datirano i potpisano od GVI-a ili drugog službenog veterinarara, kojeg je imenovao GVI.

Član 31.

(Pošiljke namijenjene za carinska skladišta, slobodne carinske zone i konsignacijska skladišta)

GVI mora dovoljno dobro poznavati slobodne zone, konsignacijska skladišta, carinska skladišta ili brodske dobavljače, koji djeluju unutar GVIP-a ili blisko saraduju sa GVIP-om. Potrebno je vršiti uredne kontrole u skladištima ili kontrole datih dobavljača, te voditi evidenciju u uredu GVIP-a.

Carinska, konsignacijska i skladišta u slobodnim zonama podliježu posebnoj kontroli i moraju biti posebno odobrena od Ureda za skladištenje neprilagođenih proizvoda.

Proizvodi namijenjeni za skladišta u slobodnim zonama ili carinska skladišta provjeravaju se na GVIP-u na uobičajeni način i ako su kontrole zadovoljavajuće, izdaje se ZVUD kojim se odobrava slobodan protok. Ukoliko je potrebno izvršiti fizičku kontrolu, od carine se traži skidanje plombi, osim u urgentnim slučajevima ili van radnog vremena carine, te kontrola i ponovno pečaćenje i plombiranje kontejnera. Nije dozvoljeno da roba, namijenjena za carinsko skladište ili slobodne zone, napusti carinsko područje GVIP- a, da se ne prijavi veterinarskim organima.

(1) GVI može primiti pošiljke koje dolaze iz treće zemlje, koje su namijenjene za slobodne zone, konsignacijska skladišta ili carinska skladišta, samo ako je osoba odgovorna za pošiljku prethodno izjavila da dati proizvodi nisu namijenjeni za puštanje u slobodan opticaj na tržištu BiH, ili ako je navedena neka druga krajnja upotreba, te nakon što je utvrđeno da proizvodi zadovoljavaju uvjete uvoza.

Ako se krajnja upotreba jasno ne naznači, za proizvode se smatra da su namijenjeni za puštanje u slobodan opticaj u BiH.

(2) Takve pošiljke podliježu kontrolama dokumentacije, identiteta i fizičkoj kontroli na GVIP-u ulaza, kako bi se utvrdilo da li proizvodi zadovoljavaju spomenute uvjete uvoza.

Fizička kontrola nije obavezna - osim u slučaju sumnje na rizik za zdravlje ljudi i životinja - i ako se, na osnovu kontrole dokumentacije, ustanovi da ne zadovoljavaju uvjete BiH.

Uz takve pošiljke se prilaže veterinarska dokumentacija ili drugi dokumenti. Ako je potrebno, prilažu se i autentični prevodi.

(3) Ako se na osnovu kontrola spomenutih u stavu 2., ustanovi da dati proizvodi ispunjavaju BiH uvjete, GVI izdaje ZVUD zajedno s carinskim dokumentima. GVI i carinarnica odobravaju ulaz u slobodne zone, konsignacijska ili u carinska skladišta. Takvi se proizvodi, s veterinarskog aspekta, ocjenjuju adekvatnim za naknadno puštanje u slobodan opticaj.

(4) Ako se na osnovu kontrola spomenutih u stavu (2) ustanovi da dati proizvodi ne ispunjavaju bh. uvjete, GVI izdaje ZVUD zajedno sa službenim carinskim dokumentima. U takvim slučajevima, GVI može odobriti ulaz u skladišta u slobodnim zonama, konsignacijska ili carinska skladišta ukoliko su ispunjeni sljedeći uvjeti:

a) proizvodi nisu porijeklom iz zemalja za koje je nametnuta zabrana;

b) skladišta u slobodnim zonama, konsignacijska i carinska skladišta moraju biti odobrena radi skladištenja proizvoda. Da bi bila odobrena, moraju ispuniti sljedeće uvjete:

c) sastoje se od zatvorenog prostora s tačkama ulaza i izlaza koji su pod permanentnom kontrolom uprave skladišta. Ako je skladište smješteno u slobodnoj zoni, cijela zona se zatvara i stavlja pod stalnu kontrolu carine;

d) ispunjavaju uvjete za odobrenje propisane u važećim propisima u vezi sa skladištenjem datih proizvoda;

e) imaju plan dnevnog evidentiranja svih pošiljaka koji ulaze i izlaze iz skladišta, sa detaljima o prirodi i količini proizvoda po pošiljci i imenom i adresom primaoca. Takva se evidencija čuva najmanje tri godine;

f) u svom sastavu imaju prostorije za čuvanje i/ili hlađenje, kako bi osigurali odvojeno čuvanje proizvoda koji ne zadovoljavaju zahtjeve veterinarskih propisa.

Međutim, u slučaju postojećih skladišta, moguće je odobriti zasebno čuvanje takvih proizvoda u istoj prostoriji s proizvodima koji nisu u skladu s državnim standardima, ako su ti proizvodi uskladišteni u zaključane kutije;

g) moraju imati na raspolaganju prostor rezerviran za osoblje koje vrši veterinarske kontrole.

Ako kontrole navedene u stavu 2. pokažu da je osoba odgovorna za pošiljku dala lažan navod na osnovu stava 1, on/ona su dužni odložiti robu u skladu s odredbama ovog Priručnika.

(5) GVI preduzima sve potrebne mjere:

a) da su uvjeti u odobrenom skladištu zadovoljavajući;

b) da spriječi skladištenje proizvoda koji ne zadovoljavaju uvjete i veterinarske propise skladištenja u istim prostorijama ili zatvorenim s onima koji te uvjete ispunjavaju;

c) da se osigura efikasna kontrola ulaza i izlaza iz skladišta, te da se u vrijeme pristupa skladištu osigura kontrola GVI-a;

d) da se mora osigurati da proizvodi koji ne zadovoljavaju uvjete predviđene propisima koji su na snazi u BiH ne napuste objekte ili jedinice u kojima su bili uskladišteni, bez dogovora sa GVI-om ili carinskom službom;

e) za vršenje svih kontrola potrebnih kako bi se spriječila izmjena ili zamjena skladištenih proizvoda ili promjena pakiranja, pripreme ili obrade za tržište.

(6) GVI može, na osnovu propisa u vezi s očuvanjem zdravlja ljudi i životinja, odbiti ulaz u carinsko, konsignacijsko ili skladište u slobodnoj zoni proizvodima koji ne zadovoljavaju uvjete navedene u propisima koji su na snazi u BiH.

(7) Pošiljke ne smiju ući u skladište u slobodnoj zoni, konsignacijsko ili carinsko skladište ako nisu zaštićene carinskim plombama.

(8) Pošiljke navedene u stavu (4) mogu napustiti slobodnu zonu, konsignacijsko i carinsko skladište jedino u slučaju otpremanja u druge zemlju ili skladište, kako je naznačeno u ovom Priručniku, ili uništenja, pod uvjetom:

a) da je otpremanje proizvoda u druge zemlje u skladu s uvjetima predviđenim članom 30.;

b) da je prebacivanje proizvoda u skladište, navedeno u članu 31., obavljeno na osnovu obrasca carinske kontrole, s navedenim nazivom i lokacijom skladišta spomenutog u pratećem certifikatu/dokumentu naznačenom u tom poglavlju;

c) prevoz do mjesta neškodljivog uništenja vrši se nakon što su dati proizvodi denaturirani.

Date pošiljke naknadno se šalju pod uvjetima koji osiguravaju da se prevoz izvrši, a da se roba ne istovara, pod nadzorom GVI-a u vozilima koji su otporni na curenje i kontejnerima zapečaćenim na GVIP-u.

Takve pošiljke se ne mogu slati između skladišta navedenih u ovom članu.

(9) Sve troškove nastale na osnovu ovog člana, uključujući troškove inspekcije i potrebnih kontrola, snosi osoba odgovorna za pošiljku ili njen predstavnik bez naknade štete od države, i u skladu s načelima proizašlim iz važećih propisa.

(10) Vodi se specifična evidencija odobrenih:

a) skladišta u slobodnim zonama, konsignacijskih i carinskih skladišta, kako je navedeno u stavu (4);

b) subjekta, kako je navedeno u članu 32.

(11) U slučaju nemogućnosti ispunjavanja svih uvjeta navedenih u stavovima od 1. do 10. i uvjeta koji su se dosad odnosili na skladišta, Ured suspendira ili povlači odobrenje spomenuto u stavu 4 b). Evidencija se ažurira u skladu s tim.

(12) Ukoliko se uoče nepravilnosti, bilo da su namjerne ili nastale na osnovu nemara, određuju se kazne u skladu s datim državnim zakonom za osobu odgovornu za transport pošiljke nakon napuštanja skladišta.

Član 32.

(Agenti za snabdijevanje brodova)

(1) Subjekti koji direktno snabdijevaju sredstva prekograničnog morskog prevoza proizvodima koji ne ispunjavaju uvjete predviđene propisima BiH, radi potrošnje od osoblja i putnika moraju, osim ispunjavanja uvjeta člana 31.,:

a) biti prethodno ovlašteni kao subjekti od Ureda;

b) nabaviti zalihe proizvoda koji se ne mogu preraditi, osim ako sirovina ispunjava uvjete BiH;

c) posjedovati zatvorene prostorije sa ulazom i izlazom pod trajnom kontrolom odgovorne osobe.

d) ukoliko se skladište nalazi u slobodnom području, primjenjuju se uvjeti člana 31. (4) b),

e) preuzeti odgovornost da neće pustiti proizvode navedene u članu 31. (4) za potrošnju u BiH;

f) obavijestiti što je prije moguće GVI-a i (carinsku službu) o dolasku proizvoda u skladište kako je navedeno pod (c).

(2) Subjekti navedeni u stavu (1) moraju:

- a) obaviti direktnu dostavu na palubu sredstva morskog prevoza ili u posebno odobreno skladište u luci odredišta, pod uvjetom da su preduzete mjere kako bi se osiguralo da dati proizvodi ni u kojem slučaju ne napuste područje luke i ne budu otpremljeni prema drugom odredištu;
 - b) prevoz proizvoda od skladišta porijekla do luke odredišta se mora izvršiti pod carinskim nadzorom u skladu s procedurom, i u pratnji veterinarskog dokumenta;
 - c) prethodno obavijestiti veterinarsku službu (GVI) područja luke iz koje su dostavljeni proizvodi i GVI-a luke odredišta o datumu otpremanja proizvoda i detaljima mjesta odredišta;
 - d) osigurati službeni dokaz da su proizvodi stigli na krajnje odredište;
 - e) voditi evidenciju o ulascima i otpremanjima pošiljaka najmanje tri godine.
Evidencija mora omogućiti vršenje kontrola dijelova pošiljaka koji su ostali u skladištu.
- (3) Subjekti trebaju osigurati brodovima da ne isporučuju proizvode koji ne ispunjavaju uvjete BiH, osim ako su u pitanju putnici i osoblje koje putuje van kopnenog područja BiH, kako je definirano propisima BiH.
- (4) Granična veterinarska inspekcija (GVI) područja luke iz koje se proizvodi isporučuju obavijestit će veterinarsku službu područja luke odredišta odmah po otpremi proizvoda i o mjestu odredišta proizvoda putem IS mreže.
- (5) U slučaju nemogućnosti ispunjavanja uvjeta ovog člana, Ured povlači odobrenje navedeno pod 1a).

Član 33.

(Kretanja proizvoda koji ne ispunjavaju uvjete BiH)

Detaljni propisi za kretanje proizvoda iz treće zemlje koji ne ispunjavaju uvjete BiH, a namijenjeni su za ulaz u carinska, konsignacijska skladišta, slobodne zone i snabdijevanje brodova:

(1) Proizvodi koji ne ispunjavaju uvjete BiH mogu ući u skladišta slobodnih zona, konsignacijska ili carinska skladišta, i u sredstva morskog prekograničnog prevoza, ali s obzirom da to predstavljaju dodatni rizik za ljudsko i životinjsko zdravlje u BiH, moraju su podvrgnuti dodatnim kontrolama, kako bi se osigurala ispravna obrada proizvoda tokom transporta, skladištenje i sprečavanje plasmana ovog proizvoda na domaće tržište.

GVI na GVIP-u ulaza mora osigurati adekvatnu higijenu i sigurnost neusklađenih proizvoda koji se prevoze u i iz skladišta prije odobrenja isporuke.

Subjekti koji opskrbljuju sredstva morskog prekograničnog prevoza i sva skladišta koja se koriste moraju biti pod nadzorom.

(1) Sve proizvode koji ne ispunjavaju domaće uvjete i koji se primljeni pod carinskim nadzorom, i premješteni iz i u skladišta ili čuvani u skladištima slobodnih zona, konsignacijskim ili carinskim skladištima, mora pratiti ZVUD izdat od GVI-a.

(2) U smislu odstupanja od stava (1) ZVUD se treba koristiti za sve pošiljke neusklađenih proizvoda otpremljenih iz skladišta u sredstva prekograničnog morskog prevoza direktno ili kroz posebno odobrena skladišta navedena u članu 31. (2) a) ovog Priručnika.

(3) U slučaju neusklađenih proizvoda koji se direktno prebacuju iz GVIP-a u sredstva prekograničnog morskog prevoza, uz pošiljku je potrebno priložiti dva certifikata/dokumenta, (ZVUD) i potvrdu navedenu u sažetku odbijenih pošiljaka.

(4) Originalni veterinarski dokumenti ili potvrde koji su priloženi uz pošiljke neusklađenih proizvoda iz trećih zemalja treba da ostanu s pošiljkom. Za vrijeme kontrola navedenih u članu 31. (2) ovog Priručnika, GVI treba napraviti kopije tih veterinarskih dokumenata koji ostaju na GVIP-u.

(5) U pošiljkama neusklađenih proizvoda koje se čuvaju u skladištima, svaka jedinica mora uvijek biti posebno označena jedinstvenim brojem odgovarajućeg ZVUD-a, kako bi se olakšala identifikacija.

(6) Ukoliko je pošiljka neusklađenih proizvoda podijeljena na dva ili više dijelova u skladištu u slobodnom području, u konsignacijskom ili u carinskom skladištu, GVI izdaje novi certifikat/dokument za svaku pošiljku. Kako bi se osigurala sljedivost, svi novi certifikat/dokumenti

se zavode u ZVUD-u koji je s proizvodima izašao iz skladišta. Službeni veterinar zadržava original certifikata/dokumenta/veterinarskog dokumenta koji je s proizvodima izašao iz skladišta.

Prevoz pošiljaka naveden u ovom poglavlju, do i od skladišta odobrenog u skladu s članom 31. (4) b) ili 32. (1) ovog Priručnika, podliježe sljedećim uvjetima:

- a) GVI mora osigurati da su objekti odredišta (skladište u slobodnoj zoni, konsignacijsko skladište, carinsko skladište ili subjekat koji opskrbljuje sredstva prekograničnog morskog prevoza) odobreni da prime taj tip proizvoda koji ne ispunjava uvjete;
- b) veterinarska služba (GVI) odgovorna za objekte isporuke obavještava veterinarsku službu (GVI) odgovornu za objekte odredišta putem IS mreže;
- c) plomba i pečati koji se koriste moraju biti takvi da se slome prilikom svakog otvaranja prevoznog sredstva ili kontejnera;
- d) sredstva kopnenog prevoza koja se koriste za transport neusklađenih proizvoda, moraju se očistiti i dezinficirati nakon upotrebe, gdje je to potrebno;
- e) pošiljke se moraju isporučiti na naznačeno odredište u roku od najviše 7 dana od dana otpreme pošiljke ili će se predmet prijaviti carinskim organima za daljnju istragu.

Skladišta koja su odobrena u skladu sa članom 31. (4)(b) ovog Priručnika moraju uz uvjete u skladu s tim poglavljem, ispuniti najmanje sljedeće:

- f) biti pod kontrolom carinske službe i GVIP-a;
- g) imati faks i telefon na raspolaganju službenom veterinaru.

Evidencija ulazaka i isporuke navedena u poglavlju 31. (4) b), treća tačka, ovog Priručnika koja se vodi u odobrenom skladištu mora osigurati sljedivost pošiljaka i jednake količine robe u ulazu i izlazu iz skladišta. Uz podatak naveden u članu 31. (4) b) ovog Priručnika, evidencija mora sadržavati sljedeće podatke:

- h) zemlja porijekla i naredni GVIP, za pošiljke koje ulaze;
- i) jedinstveni referentni broj odgovarajućeg ZVUD-a i certifikata/veterinarskih dokumenata navedenih u poglavlju 32. (2) a) ovog Priručnika, za svaku pošiljku;
- j) referentni broj i adresu skladišta odredišta navedenog u poglavlju 32. (1) a) ovog Priručnika;
- k) brod odredišta ili treća zemlja odredišta i GVIP izlaza.

GVI i osobe koje djeluju pod njegovim nadzorom osiguravaju da skladišta odobrena u skladu s poglavljem 31. (4) b) ovog Priručnika, i u slučaju pošiljaka proizvoda koje ne ispunjavaju uvjete:

- l) sve pošiljke, otpremljene u skladište, podvrgnute su kontroli dokumentacije;
- m) kontrole dokumentacije i identiteta pošiljaka vrše se u vrijeme skladištenja i prije otpreme, kako bi se utvrdilo njihovo porijeklo i odredište;
- n) sve otpreme pošiljaka iz skladišta su odobrene,
- nj) kada se pošiljka podijeli, da originalno pakiranje pojedinačnih jedinica koje čine dio pošiljke ostaje nepromijenjeno.

GVI ili veterinarska služba mogu izvršiti fizičke kontrole navedenih proizvoda koji su dostavljeni, skladišteni ili otpremljeni iz skladišta u slobodnim zonama, konsignacijskih ili carinskih skladišta, ukoliko postoji sumnja u rizik po zdravlje životinja i ljudi.

Svi objekti navedeni u poglavlju 32. (1) a) ili (2) a) ovog Priručnika, moraju biti pod nadzorom veterinarske ili carinske službe.

Veterinarski dokumenti navedeni u poglavlju 32. (2) a) ovog Priručnika se moraju zasnivati na obrascu odbijenih pošiljaka.

Jedan certifikat/dokument se može koristiti za pošiljku koja sadrži proizvode koji potječu iz različitih pošiljaka istog porijekla, kao što je naznačeno u obrascu certifikata/dokumenta/veterinarskog dokumenta odbijenih pošiljaka.

Obavještavanje mjesta porijekla naznačenog u članu 32. (2) c) ovog Priručnika, će se izvršiti putem spomenutog certifikata/dokumenta.

Po izvršenoj dostavi proizvoda na palubu sredstva morskog prevoza, certifikat/dokument o odbijenim pošiljkama potpisuje službenik ili službeni predstavnik osobe odgovorne za morski prevoz i vraća službenom veterinaru kao dokaz o dostavi.

Član 34.
(Izuzete od veterinarske kontrole uvezenih pošiljaka)

- (1) Veterinarske kontrole opisane u Priručniku ne primjenjuju se na proizvode koji su:
- dio putničkog ličnog prtljaga i koji su namijenjeni za njihovu ličnu potrošnju, sve dok ne prelazi količinu naznačenu količinu opisanu pod b) i pod uvjetom da proizvodi dolaze iz treće zemlje ili dijela treće zemlje koja je uvrštena na odobrenu listu u skladu s propisima koji su na snazi u BiH i iz koje uvoz nije zabranjen;
 - poslani kao male pošiljke privatnim osobama, poduvjetom da se proizvodi ne uvoze trgovinskim putem, i sve dok ne prelaze naznačenu količinu i težinu od tri kg i pod uvjetom da proizvodi dolaze iz treće zemlje ili dijela treće zemlje koja je uvrštena na odobrenu listu u skladu s propisima koji su na snazi u BiH i iz koje uvoz nije zabranjen;
 - prebačeni na palubu sredstva morskog prevoza koji djeluje na međunarodnom nivou, i koji su namijenjeni za potrošnju osoblja i putnika, pod uvjetom da se ne uvoze u BiH. Ukoliko se takvi proizvodi ili njihov kuhinjski otpad istovare, moraju se uništiti. Međutim, nije potrebno uništavati proizvode kada se direktno prebacuju s jednog prevoznog sredstva koje djeluje na međunarodnom nivou na drugo u istoj luci pod carinskim nadzorom;
 - poslani međunarodnim organizacijama (ambasadama, NVO-ma, vojnim snagama) pod uvjetom da se ne otpremaju za bh. tržište;
 - ne prelaze količinu naznačenu u posebnom poglavlju, a podvrgnuti su toplinskom tretmanu u hermetički zatvorenom kontejneru do FO vrijednosti od 3,00 ili više;
 - čine dio putničkog ličnog prtljaga i namijenjeni su za ličnu potrošnju;
 - poslani kao male pošiljke privatnim osobama, pod uvjetom da se proizvodi ne uvoze trgovinskim putem;
 - poslani kao trgovinski uzorci ili su namijenjeni za izložbe pod uvjetom da nisu namijenjeni za tržište i da su prethodno odobreni u tu svrhu od strane Ureda;
 - namijenjeni za posebno istraživanje ili analizu sve dok je moguće da se odredi od strane službene inspekcije da se takvi proizvodi ne koriste za ljudsku upotrebu i da su, kada je izlaganje završeno ili kada su posebna istraživanja ili analize izvršene, ovi proizvodi, sa izuzetkom onih količina korištenih za analize, uništeni ili ponovo isporučeni u posebnim slučajevima koje naznači Ured. I u prethodno navedenom slučaju, i u ovom slučaju, veterinarska služba odredišta osigurava da se dati proizvodi ne koriste u druge svrhe, osim onih zbog kojih su uvezeni na ovu teritoriju.
- (2) Stav (1) ne utječe na pravila koja se primjenjuju na svježe meso i mesne proizvode u skladu s propisima BiH, u vezi s problemima zdravstvenih i veterinarskih inspekcija prilikom uvoza goveda, ovaca, koza i peradara, svježeg mesa i mesnih proizvoda iz trećih zemalja.
- (3) Svježi riblji proizvodi po istovaru iz broda sa zastavom treće zemlje će se odmah, prije uvoza u BiH, podvrgnuti veterinarskoj kontroli određenoj za ribe koje su odmah isporučene brodovima sa zastavom BiH.

Član 35.
(Lični prtljag putnika)

- (1) Ured i svi drugi organi uključeni u carinsku kontrolu osiguravaju da se nijedna pošiljka iz treće zemlje ne uveze u BiH, a da nije podvrgnuta odgovarajućoj veterinarskoj kontroli i da se pošiljke uvoze na teritoriju BiH isključivo kroz GVIP.
- Nadalje, BiH mora organizirati kontrole na drugim tačkama ulaza, kako bi se osiguralo da proizvodi koji ne zadovoljavaju takve uvjete ne uđu u BiH na drugom mjestu osim na mjestu gdje postoji GVIP.
- (2) Odgovornost Ureda je da osigura poznavanje i poštivanje relevantnih propisa koji se primjenjuju na pošiljke proizvoda životinjskog porijekla namijenjenih u nekomercijalne svrhe od putnika ili osoba odgovornih za pošiljku.

Određene robe koje čine dio ličnog prtljaga putnika i namijenjene su za njihovu ličnu upotrebu ili su poslone u malim paketima privatnim osobama u nekomercijalne svrhe, mogu biti isključene iz djelokruga Priručnika.

(3) Međutim, rizik uvoza roba bez primjene veterinarskih kontrola i mogućnost širenja zaraznih agensa su veliki.

(4) Iz tog razloga, uvoz roba na koje se primjenjuje izuzeće od veterinarskih kontrola je ograničeno.

(5) Uzimajući u obzir da svi proizvodi moraju potjecati iz zemalja uvrštenih u listu i da uz njih moraju biti priloženi relevantni dokumenti/certifikat/, sljedeći proizvodi izuzet će se od spomenutih propisa:

(6) Proizvodi iz svake treće zemlje, ukoliko količina ne prelazi razumnu količinu koju može konzumirati pojedinac.

(7) Meso i mesni proizvodi i mlijeko i mliječni proizvodi u posjedu putnika koji ulaze u BiH:

a) mlijeko u prahu za bebe, dječija hrana i posebna hrana potrebna iz medicinskih razloga, pod uvjetom da tim proizvodima nije potrebno hlađenje prije otvaranja, da su pakirani kao brendirani proizvodi za direktnu prodaju krajnjem potrošaču, te da je pakiranje neotvoreno.

(8) Ured, također, osigurava da se putnicima iz trećih zemalja skrene pažnja na sve određene tačke ulaza u BiH i uvjete u vezi s životinjskim zdravljem prilikom uvoza proizvoda životinjskog porijekla. Informacija podrazumijeva najmanje podatke, a koja je uključena u obavijesti izložene na vidljivim mjestima.

(9) Ova obavijest se izdaje na barem jednom jeziku BiH, te na engleskom/njemačkom i na jezicima koji se koriste u susjednim zemljama i drugim adekvatnim jezicima.

(10) Subjekti koji djeluju u međunarodnom transportu skrenut će pažnju svim putnicima koje prevoze u BiH na sve uvjete u vezi s životinjskim zdravljem te uvjete koji moraju biti ispunjeni prilikom uvoza proizvoda životinjskog porijekla.

(11) Posebno će upotrijebiti postojeća sredstva komunikacije (letke, glasovne poruke, displeje, itd.), da bi prenijeli informaciju svim putnicima koje prevoze. Subjekti koji djeluju u međunarodnom transportu, također, osiguravaju da se informacija prenosi u propisanom formatu, kako bi se uvažili svi uvjeti i okolnosti i na način razumljiv putnicima koje prevoze.

(12) Na tačkama ulaza u BiH, određenim od Ureda, GVI i organi odgovorni za službene kontrole (prema strukturi IBM) će, u saradnji sa službenicima luka i aerodroma i sa službenicima odgovornim za druge tačke ulaza, organizirati kontrole, kako bi uočili nelegalne pošiljke mesa i mesnih proizvoda i utvrdili da su spomenuti uvjeti ispunjeni.

(13) Te kontrole mogu biti organizirane na osnovu pristupa zasnovanog na potencijalnom riziku, uključujući, ako se ocijeni potrebnim, upotrebu efektivnih pomagala za detekciju, kao što su oprema za skeniranje i psi za ispitivanje većih količina prtljaga na prisutnost takvih pošiljaka.

(14) Sav lični prtljag za kojeg nadležni organ smatra da krši propise koji su na snazi u BiH bit će zaplijenjen i uništen u skladu s propisima BiH.

(15) Osoba odgovorna za ličnu pošiljku za koju je utvrđeno da nije u skladu s propisima navedenim u Priručniku, može, uz diskreciju nadležnog organa, snositi troškove ili kazne utvrđene zakonodavnim okvirom koji je na snazi u BiH.

(16) Ukoliko je potrebno, GVI i nadležni organ će osigurati da se provedbom spomenutih propisa primijenjenih na zapljenu i uništavanje pošiljaka, identificira fizička ili pravna osoba koja treba snositi troškove uništenja svih ličnih pošiljaka koje su zaplijenjene ili dobrovoljno ostavljene.

Član 36. **(Odluke o pošiljkama)**

(1) Po izvršenju kontrola navedenih u Priručniku, GVI odlučuje o adekvatnosti pošiljke za uvoz i mogućim opcijama u vezi s pošiljkom.

(2) Potrebno je što je prije moguće donijeti takvu odluku, kako bi se izbjegla moguća manipulacija pošiljkom, te odgađanje i žalbe od osobe odgovorne za istu.

(3) Nijedna pošiljka se ne može smjestiti u području GVIP-a, a da se o tome ne obavijesti GVI i da je odluka o pošiljci donesena ili je u procesu donošenja.

(4) Ured preuzima odgovarajuće administrativne ili kaznene mjere, kako bi kaznio svako kršenje veterinarske legislative od pravne ili fizičke osobe, ukoliko je otkriveno kršenje propisa i posebno ukoliko se ustanovi da certifikati/dokumenti ili dokumenti ne odgovaraju stvarnom stanju, da identifikacijske markice nisu u skladu s odgovarajućim propisima, ili da životinje nisu podvrgnute inspekciji u GVIP-u, ili nisu transportirane do već određenog odredišta već na drugo mjesto.

(5) U slučaju sumnje u neusklađenost ili ako postoji dilema u smislu identiteta ili stvarnog odredišta pošiljke ili podudarnosti između pošiljke i certificiranih garancija, GVI vrši službene kontrole, kako bi potvrdio ili opovrgnuo sumnju.

GVI stavlja datu pošiljku pod službeni nadzor sve dok ne dobije rezultate tih kontrola.

(6) GVI određuje službeni nadzor za proizvode iz drugih zemalja koji ne ispunjavaju uvjete, i po saslušanju osobe odgovorne za pošiljku, preuzima sljedeće navedene mjere u smislu datih proizvoda:

- nalaže uništenje takvih proizvoda, podvrgavanje posebnom tretmanu ili otpremu van BiH; ostale adekvatne mjere kao što su upotreba hraniva i hrane u svrhe drugačije od one prvobitno naznačene; (transformacija)
- ukoliko su proizvodi već plasirani na tržište, monitoring ili, prema potrebi, povlačenje proizvoda s tržišta prije preduzimanja jedne od navedenih mjera;
- utvrditi da proizvodi ne povećavaju negativne utjecaje po ljudsko ili životinjsko zdravlje, direktno ili kroz okolicu, u toku ili do implementacije jedne od mjera spomenutih u prethodnim tačkama.

(7) Ako, međutim, službene kontrole pokažu da je pošiljka štetna po ljudsko ili životinjsko zdravlje ili da nije sigurna, GVI stavlja datu pošiljku pod službeni nadzor do njenog uništenja ili preduzimanja druge adekvatne mjere potrebne da bi se zaštitilo ljudsko i životinjsko zdravlje.

(8) Na odluke o pošiljkama primjenjuje se pravo na žalbu u skladu s propisima koji su na snazi u BiH.

(9) Poseban tretman podrazumijeva:

- a) tretman ili obradu kojom se proizvodi dovode u liniju s uvjetima u BiH, s uvjetima treće zemlje ponovne otpreme, uključujući dekontaminaciju, gdje je adekvatno, ali isključujući razrjeđivanje;
- b) obradu na svaki drugi adekvatan način u svrhe koje ne podrazumijevaju životinjsku ili ljudsku upotrebu.
- c) Ured osigurava da se poseban tretman provodi u objektima pod njegovom kontrolom i u skladu s uvjetima utvrđenim propisima koji su na snazi u BiH.

Član 37. **(Odbijene pošiljke)**

(1) Postoji nekoliko razloga za odbijanje pošiljke, a ti su sljedeći:

- a) kada roba nema odgovarajuću dozvolu ili iz bilo kojeg drugog razloga ne odgovara zahtjevima u vezi s dozvolom za uvoz/tranzit;
- b) kada originalni certifikati/dokumenti nisu dostupni ili se unutar odgovarajućeg perioda ne dostave;
- c) kada obrazac ili sadržaj certifikata/dokumenta ne zadovoljava postavljene uvjete (kontrola dokumentacije);
- d) kada se na osnovu prihvatljivih dokaza smatra da podneseni certifikat/dokument nije izdat od odgovarajućeg službenog veterinaru ili (kada je to relevantno) drugog nadležnog organa zemlje porijekla;
- e) kada kontrole identiteta pokažu nepravilnosti (npr., broja, markice, pečata, neusklađenost između identifikacijskog broja na certifikatu/dokumentu i onog na robi, itd.);
- f) kada fizičke i laboratorijske kontrole ne pokažu zadovoljavajuće rezultate;
- g) kada kontejner nije zadovoljavajući (kada dođe do prolijevanja, prokišnjavanja ili kada rashladni sistem nije u funkciji);
- h) kada je pošiljka već pregledana na jednom GVIP-u i tamo odbijena;
- i) kada je pošiljka predstavljena na GVIP-u kojem nije odobreno da obrađuje tu vrstu pošiljke;

(2) U svim ovim slučajevima, ne može se potvrditi da pošiljka zadovoljava uvjete bh. propisa i ne mogu ući na njenu teritoriju.

Uopćeno:

(1) Pošiljke koje su ušle u BiH, a nisu podvrgnute veterinarskoj kontroli u skladu sa zahtjevima navedenim u Priručniku zapljenjuju se i GVI (konsultira Ured, ukoliko je potrebno) odlučuje o uništavanju proizvoda u skladu sa stavom 3. c) ili ponovnoj otpremi u skladu sa stavovima 2. a) i 3. b)

(2) Kada kontrole propisane odlukama pokažu da proizvodi ne zadovoljavaju uvjete uvoza ili kada takve kontrole pokažu nepravilnosti, GVI će nakon konsultacije s uvoznikom ili njegovim predstavnikom, odlučiti o:

a) ponovnom otpremanju proizvoda iz istog GVIP-a van teritorije BiH u odredište usaglašeno s osobom odgovornom za pošiljku, koristeći pritom isto prevozno sredstvo s maksimalnim vremenskim rokom od 60 dana, ukoliko se to ne isključuje na osnovu rezultata veterinarskih inspekcija ili zdravstvenih uvjeta.

(3) GVI mora:

a) informirati ostale GVIP-e i Ured o odluci donijetoj za datu pošiljku;

b) proglasiti nevažećim veterinarske certifikate/dokumente ili dokumente koji su priloženi uz odbijene proizvode (sve stranice) tako da nije moguće ponovo uvesti odbijene proizvode na drugom GVIP-u. Kopija nevažećeg certifikata/dokumenta mora se čuvati s relevantnim dosijeom u Uredu;

c) ili, ukoliko ponovno otpremanje nije moguće, ili je vremenski rok od 60 dana istekao, osim ako je odgađanje opravdano, ili je osoba odgovorna za pošiljku odmah pristala, proizvodi se uništavaju u objektima odobrenim u te svrhe koji su smješteni u blizini GVIP-a, u skladu s važećim veterinarskim propisima za odgađanje i obradu životinjskog otpada, kako bi se spriječilo plasiranje tog proizvoda na tržište i širenje patogena u stočnoj hrani životinjskog ili ribljeg porijekla;

d) do otpreme proizvoda navedene u ovoj tački ili potvrde razloga za odbijanje, dati proizvodi se pod kontrolom i nadzorom skladište, a osoba odgovorna za pošiljku snosi troškove;

e) GVI će odobriti ponovno otpremanje pošiljke samo ako je:

f) određeno odredište zajedno s osobom odgovornom za pošiljku;

g) osoba odgovorna za pošiljku prethodno informirala nadležni organ treće zemlje porijekla ili nadležni organ treće zemlje odredišta, ukoliko su ovi različiti, o razlozima i okolnostima koji sprečavaju plasiranje proizvoda na tržište BiH;

h) treća zemlja odredišta nije treća zemlja porijekla, nadležni organ treće zemlje odredišta obavještava nadležnog organa o spremnosti da prihvati pošiljku;

i) osoba odgovorna za pošiljku ili njen predstavnik snosit će troškove nastale na osnovu spomenutih aktivnosti provedenih od Ureda ili GVI-a;

j) vrše se daljnje i povećane kontrole pošiljaka ukoliko se provedbom kontrola spomenutih u stavovima (1) i (2) utvrdilo ozbiljno ili uzastopno kršenje veterinarskih propisa;

Stav (2) se ne primjenjuje kada dozvolu izdaje Ured da bi odobrio upotrebu proizvoda u druge svrhe, jer se smatra da ne postoji rizik po ljudsko ili životinjsko zdravlje;

k) osoba odgovorna za pošiljku snosi troškove preduzetih mjera navedenih u prethodnim stavovima, procesa ponovnog otpremanja ili uništavanja pošiljke ili korištenja proizvoda u druge svrhe;

l) nadalje, ako se uvidi neispravnost proizašla iz nemara ili namjernog kršenja propisa, GVI mora kazniti osobu odgovornu za pošiljku, kako je propisano Zakonom.

(4) U svakom slučaju, izdaje se ZVUD i plaćaju relevantne takse.

(5) U slučajevima kada GVI odluči da odbije pošiljku, on/ona treba:

a) obavijestiti uvoznika o razlozima za odbijanje pošiljke;

b) službeno dostaviti obavještenje;

c) obavijestiti Ured o odbijanju pošiljke;

d) čuvati kopiju obrasca u relevantnom dosijeu;

e) navesti detalje u vezi s odbijanjem, koji se čuvaju na početku dosijea odbijene pošiljke.

(6) U slučaju da se otkriju proizvodi koji nisu iz bilo kojeg razloga adekvatni za uvoz u BiH, osim otkrivanja rezidua zabranjenih supstanci i zoonotičkih agensa, GVI može odlučiti da otpremi samo

dio date pošiljke. U tom slučaju, GVI mora osigurati da rizik po zdravlje ljudi ili životinja ne može proizaći iz uvoza preostalog dijela pošiljke. Ukoliko postoji sumnja, GVIP može odrediti dalje analize preostalog dijela pošiljke koja ne podliježe mjerama odbijanja.

Član 38. **(Uništavanje odbijenih pošiljaka)**

(1) Ako se provedbom bilo kojom od kontrola predviđenih Pravilnikom ustanovi da pošiljka proizvoda predstavlja opasnost po ljudsko ili životinjsko zdravlje, GVI će odmah preduzeti jednu od sljedećih mjera:

- a) zaplijeniti i uništiti datu pošiljku;
- b) odmah informirati ostale GVIP-e i Ured o pronalascima i porijeklu proizvoda.

(2) Za sljedeće navedene slučajeve, uništavanje pošiljke se smatra jednim izborom:

- a) otkrivanje rezidua zabranjenih tvari;
- b) otkrivanje agensa koji se smatraju izvorom zoonoze;
- c) otkrivanje otrovnih tvari;
- d) otkrivanje tvari za koje su upostavljena ograničenja u skladu s međunarodnim i državnim standardom i relevantni maksimalni prag koji je pređen 5 puta.

(3) Kada otkrivanje tvari i agensa robe koja se uvozi u BiH podstakne sumnju u smislu donošenja odluka o samoj pošiljci, GVI može zatražiti pomoć od Ureda i dobiti instrukcije za rješavanje tog pitanja.

Metode odgađanja dozvoljene za uništavanje takve robe uključuju:

- a) spaljivanje;
- b) obradu visokog rizika (plus spaljivanje);
- c) obradu visokog rizika u fabrici odobrenoj za obradu specifičnih rizičnih materijala (plus zakopavanje).

Detaljna uputstva za uništavanje propisuje Ured.

(4) Proizvodi koji su pozitivni na rezidue kao što su:

- a) PCB,
- b) organohloridni sastavi,
- c) organoforsforni sastavi
- d) metali (olovo, kadmij, živa, arsen),
- e) mikotoksini,
- f) malahit zelenilo i leukomalahit zelenilo,

(5) ovi se proizvodi mogu uništiti:

- a) spaljivanjem,
- b) obradom visokog rizika (uključujući spaljivanje),
- c) obradom visokog rizika u postrojenju odobrenom za obradu specifičnih rizičnih materijala (plus zakopavanje).

Detaljna uputstva za uništavanje propisuje Ured.

(6) U slučaju uništenja pošiljke GVI mora popuniti obrazac ili zapisnik za kretanje odbijene pošiljke iz GVIP do određenog odredišta.

Član 39. **(Povrat pošiljaka odbijenih od treće zemlje)**

(1) Proizvodi se mogu ponovo uvesti iz drugih zemalja ako se za to dobije odobrenje. Budući uvoznici mogu aplicirati za takvo odobrenje, popunjavajući obrazac.

(2) Vraćene pošiljke se dovoze u isti odobreni GVIP izlaza i podliježu istim zahtjevima u vezi s obavijesti o pošiljci, kao i druge uvezene pošiljke.

- (3) Nakon prijema pisanog odobrenja od Ureda, GVI odobrava ponovni uvoz pošiljke proizvoda porijeklom iz BiH koju je odbila druga zemlja, ukoliko se uz proizvode priloži:
- a) originalni certifikat/dokument ili autentična kopija izdata od organa koji je izdao i certifikat/dokument priložen uz proizvode zajedno s detaljnim pisanim objašnjenjem razloga za odbijanje i garancije da su uvjeti transporta proizvoda ispitani, te da dati proizvodi nisu obrađivani na nesavjesan i nezakonit - u slučaju plombiranih kontejnera, prevoznik podnosi certifikat/dokument u kojem se izjavljuje da proizvodi nisu obrađivani ili istovarani;
 - b) dati proizvodi prođu kroz kontrolu dokumentacije i identiteta, a u slučajevima navedenim u članu 40. i fizičku kontrolu;
- (4) Moguće dodatne kontrole, uključujući laboratorijska ispitivanja koja se mogu, ukoliko je potrebno, vršiti na GVIP-u.
- (5) da je pošiljka vraćena, pod uvjetima navedenim u članu 28, direktno u instituciju porijekla u BiH, gdje je za nju izdat certifikat/dokument.
- (6) pošiljka mora biti prevezena prevoznim sredstvom koje ne prokišnja i koje je odredio i plombirao GVIP, tako da se plomba slomi svaki put kada se kontejner/sredstvo transporta otvori.
- (7) GVI koji odobrava transport obavještava veterinarsku službu u mjestu odredišta putem IS mreže.
- (8) Sve troškove nastale na osnovu ovog člana, uključujući troškove inspekcije i u tu svrhu izvršenih kontrola, snosi osoba odgovorna za pošiljku ili njen predstavnik, bez naknade štete od države.

Član 40. **(Pojačane kontrole)**

- (1) Ukoliko kontrole navedene u Pravilniku pruže osnovu za sumnju da su veterinarski propisi ozbiljno ili više puta prekršeni, GVI preduzima sljedeće navedene mjere u vezi s datim životinjama ili porijeklom takvih proizvoda:
- a) obavještava Ured o datoj pošiljci proizvoda;
 - b) GVIP-i provode strožije kontrole svih pošiljaka proizvoda istog porijekla. Sljedećih 10 pošiljaka iste vrste ili porijekla proizvoda moraju proći kroz detaljniju kontrolu na GVIP-u, uključujući uzimanje uzoraka i vršenje laboratorijskog ispitivanja, a za troškove inspekcije uplaćuje se depozit;
 - c) gdje takve dodatne kontrole pokažu neusklađenost, data pošiljka ili dio iste mora se ukloniti;
 - d) obavještava se Ured o ishodu rigoroznijih kontrola, koji na osnovu tih podataka provodi sve potrebne kontrole, kako bi identificirao razloge i porijeklo otkrivenog prekršaja;
 - e) gdje takve provjere ukažu na prekoračenje maksimalnog ograničenja rezidua, primjenjivat će se kontrole navedene u tački b);
 - f) ako u slučaju trećih zemalja koje su zaključile ekvivalentne ugovore s BiH i čije pošiljke se rjeđe kontroliraju, Ured po ispitivanju nadležnosti date treće zemlje, zaključi da nije ispunila svoje dužnosti niti pružila garancije navedene u planovima za rezidue, ne dozvoljava toj zemlji da nadalje koristi beneficije rjeđih provjera sve dok ta treća zemlja ne nadomjesti nedostatke. Ista procedura se primjenjuje prilikom povlačenja suspenzije.

Član 41. **(Agenti za snabdijevanje brodova i avionskih kuhinja)**

- (1) Potrebno je redovno kontrolirati (najmanje jednom mjesečno) agente za snabdijevanje brodova i avionskih kuhinja (ugostiteljstvo), kako bi se osiguralo da proizvodi uskladišteni u ovim objektima prostorima mogu biti pušteni u slobodan opticaj u BiH.
- (2) Potrebno je obratiti posebnu pažnju na odobrenje/adekvatnost:
- a) proizvoda;
 - b) treće zemlje porijekla;
 - c) objekta porijekla;
- (3) Ove informacije/brojevi se trebaju kontrolirati kako bi se vidjelo da li su uvršteni u relevantne liste zemalja.

(4) Osim ispitivanja proizvoda, kontrolira se i evidencija dolazećeg proizvoda. Ako subjekt djeluje kao uvoznik proizvoda životinjskog porijekla, on/ona je zadužen da vodi evidenciju svih uvoza, i da čuva prateću dokumentaciju 3 godine.

(5) BiH ne dozvoljava skladištenje životinjskih proizvoda koji ne ispunjavaju uvjete, čak i ako se radi o snabdijevanju brodova i aviona.

(6) Provjere ovih objekata se trebaju evidentirati.

Član 42. **(Ugostiteljski otpad)**

(1) GVIP mora posjedovati odgovarajuće znanje o načinu odgađanja otpadnog materijala proizvoda životinjskog porijekla iz prevoznog sredstva u području koje je u njegovoj nadležnosti. Ukoliko su uvjeti u vezi s odgađanjem u njegovoj nadležnosti, potrebno je voditi evidenciju izvršenih provjera i uočenih anomalija. Kada je odgađanje spada u nadležnost druge službe, GVI blisko saraduje s tim tijelom i na raspolaganju ima sve relevantne informacije.

(2) Ugostiteljski otpad iz prevoznog sredstva koje djeluje na međunarodnom nivou mora biti uništen nakon istovara. Ova vrsta ugostiteljskog otpada se smatra materijalom kategorije 1, životinjski nusproizvod koji nije namijenjen za ljudsku upotrebu.

(3) Dozvoljene metode odgađanja otpada su sljedeće:

a) spaljivanje,

b) obrada visokog rizika (uključujući spaljivanje),

c) obrada visokog rizika u postrojenju odobrenom za obradu specifičnih rizičnih materijala,

d) ukopavanje na odobrenom zemljištu.

(4) GVI mora osigurati redovno sakupljanje otpada i pisanu potvrdu o njegovom uništenju:

a) potvrda se sastoji od pečaćenja i potpisivanja obrasca koji se koristi za navedeni nadzor.

(5) Nadzor odgađanja takvog otpada za duboko ukopavanje se treba evidentirati.

(6) GVI je dužan redovno kontrolirati (najmanje svakih 6 mjeseci) efikasnost obrade/uništenja otpada.

Član 43. **(Takse)**

(1) U skladu s odredbama Pravilnika:

a) GVI osigurava da se nijedna pošiljka iz druge zemlje ne uveze u BiH bez podvrgavanja obaveznim veterinarskim kontrolama;

b) svaka pošiljka se podvrgava veterinarskim kontrolama koje se vrše pod odgovornošću GVI-a;

c) nakon obavljenih veterinarskih kontrola, GVI izdaje ZVUD sa rezultatima kontrola za pošiljku živih životinja;

d) carinska služba ne dopušta uvoz pošiljaka proizvoda, osim ako se ne podnese dokaz da su izvršene relevantne veterinarske kontrole i da su rezultati zadovoljavajući, te da je za pošiljku izdat ZVUD i da su takse plaćene;

e) takse se plaćaju po svakom izdavanju ZVUD-a neovisno o tipu i broju izvršenih kontrola, za šta se izdaje blok priznanica;

f) takse koje se naplaćuju za inspekcije izvršene na GVIP-u, navedene su u Odluci o visini naknade za obavezne veterinarsko-zdravstvene preglede u prometu preko granice BiH ("Službeni glasnik BiH", broj 6/05);

g) subjekt koji vrši svoje aktivnosti rutinski, može plaćati takse jedanput mjesečno po depozitu;

h) depozit se polaže u skladu s državnim propisima koji uređuju oblast naplate taksi.

Član 44. (Dosije)

- (1) Na GVIP-u se arhiviraju sljedeće informacije.
- a) do implementacije IS, GVI odgovoran za kontrole koje se provode na GVIP-u, na raspolaganju mora imati najmanje:
 - b) ažuriranu listu trećih zemalja ili dijelova trećih zemalja kojima je odobren izvoz proizvoda u BiH;
 - c) kopije različitih zakona/cirkularnih dopisa/odluka/zapisnika koji određuju uzorak certifikata/dokumenta zdravstvenog ili ljudskog/životinjskog zdravlja, ili bilo koji drugi dokument koji mora pratiti proizvode iz trećih zemalja koji se isporučuju u BiH;
 - d) ažuriranu listu objekata trećih zemalja kojima je odobreno da isporučuju proizvode u BiH;
 - e) kopije sigurnosnih odluka kojima se zabranjuje ili ograničava izvoz proizvoda;
 - f) ažuriranu listu odobrenih GVIP-a, koja sadrži sve dostupne podatke ovih prelaza;
 - g) važeću listu odobrenih slobodnih zona, konsignacijskih skladišta i carinskih skladišta i listu ovlaštenih operatera za snabdijevanje broda/ugostiteljskih operatera koji djeluju u skladu s Pravilnikom.
 - h) ažuriranu listu objekata odobrenih za primanje kanaliziranih proizvoda;
 - i) ažurirane i relevantne zakone EU, koji se odnose na proizvode i procedure veterinarskih kontrola.

Član 45. (Evidencija)

- (1) Sljedeća dodatna evidencija vodi se u elektronskoj ili printanoj formi, ako podaci nisu uneseni na GVIP-u:
- a) ažurirane informacije o pošiljkama proizvoda za koje je uvoz ili ulazak u BiH odbijen i koje su ponovo otpremljene; svaki GVIP prenosi drugim GVIP-ima i Uredu sve informacije u vezi s ponovo otpremljenom pošiljkom;
 - b) registar s minimalnim podacima potrebnim za bazu podataka o životinjama i životinjskim proizvodima koji se uvoze u BiH;
 - c) registar svih pošiljaka, bilo da su ponovo otpremljene ili uništene, ili odobrene od GVIP-a za upotrebu drugačiju od ljudske upotrebe; svi slučajevi za koje je dat rok za odgovor i dalje aktivnosti službenog veterinaru u vezi s odbijanjem proizvoda, tranzitom ili kanaliziranjem evidentiraju se u ovaj registar. Detalji za pošiljke koje se ponovo otpremaju ;
 - d) registar svih uzoraka uzetih na GVIP-u radi laboratorijskog ispitivanja, zajedno sa detaljima laboratorijskog ispitivanja i rezultate (povoljne i nepovoljne) takvih testova;
 - e) registar evidencije kontrola pošiljaka za uvoz u BiH u pisanoj ili elektronskoj formi.
 - f) lista informacija koja bi trebala biti dostupna na GVIP-u u obliku dosijea ili pristupa elektronskoj formi na njegovoj lokaciji.
 - g) dokumentacija se evidentira u različitim dosijeima.
 - h) dosijei sadrže osnovne zakone koji pokrivaju uvoz živih životinja i proizvoda životinjskog porijekla.
 - i) preostali dosijei bi se trebali evidentirati.

Liste objekata Unije

Liste odobrenih objekata trećih zemalja za proizvode životinjskog porijekla su dostupne na EUROPA web-stranici:

<http://forum.europa.eu.int/irc/sanco/vets/info/data/listes/tableO.html>

Minimalne informacije/podaci koji se trebaju unijeti u elektronski dosije o pošiljkama živih životinja ili proizvoda životinjskog porijekla koji se uvoze u BiH:

Identifikacija GVIP-a

Naziv i ANIMO šifra

Identifikacija pošiljke

Priroda robe i relevantna ANIMO šifra

Broj/količina/jedinice
Broj ZVUD-a
Treća zemlja porijekla (ISO šifra)
Naziv i odobrenje objekta porijekla
Obavljene kontrole
Kontrola dokumentacije (DA/NE/NEZADOVOLJAVAJUJA)
Kontrola identiteta (DA/NE/NEZADOVOLJAVAJUJA)
Fizička kontrola (DA/NE/NEZADOVOLJAVAJUJA)
Laboratorijsko ispitivanje (DA/NE/NEZADOVOLJAVAJUJe)
Rezultat
Prihvaćena
Ponovo otpremljena
Uništena
Transformirana

Član 46.
(Izveštaji)

Detaljni izvještaj koji se šalje Uredu unutar relevantnih rokova (mjesečno, u tri mjeseca, godišnje) propisuje direktor Ureda za veterinarstvo Bosne i Hercegovine.

Član 47.
(Žalbe)

Primjenjuje se pravo na žalbu na odluku GVI-a ili Ured u okviru zakona na snazi u BiH. Donesene odluke i razlozi za takve odluke predstavljaju se uvozniku na kojeg se data odluka odnosi ili njegovom predstavniku. Ako uvoznik na kojeg se odluka odnosi ili njegov predstavnik zahtijeva, prosljeđuje mu se spomenuta odluka u pisanoj formi zajedno s detaljima procedure prava na žalbu, ostvarljivu u okviru zakona na snazi u BiH i vremenskom roku za podnošenje žalbe.

Član 48.
(Dinamika primjene)

Dinamiku primjene članova 6.,7.,8. i 9., kao i rokove za ispunjavanje uvjeta iz ovih članova, odredit će direktor Ureda. U prelaznom periodu do primjene ovih članova primjenjivat će se važeći propisi za rad GVI-a.

Član 49.
(Prilozi)

Prilozi I i II sastavni su dio ovog Priručnika i bit će objavljeni zajedno s Priručnikom.

Član 50.
(Primjena)

Ovaj Priručnik stupa na snagu danom donošenja, a objavit će se u "Službenom glasniku BiH".

Broj 07-2-02-2257/09
12. novembra 2009. godine
Sarajevo
Direktor
Doc. dr. **Drago N. Nedić**, s.r.